




眞  
繫

ル 5  
3254  
ル 3



3254  
UUL 3

滇繫書目

趙州師 範荔扉纂輯

職官一冊全

總引

雲南省

雲南府

武定州

大理府

永昌府

滇發二之一

職官目錄

八

麗江府

楚雄府

順甯府

永北廳

景東廳

蒙化廳

普洱府

臨安府

元江府

鎮沅州

曲靖府

開化府

昭通府

東川府

廣南府

廣西州

建置考

循良傳

澂江府

二百一十九人 試差學差附

名宦說

兵防考

塗時相仕學膚言

劉彬救時議

劉彬救荒議

劉彬論兵

劉彬論吏

劉彬論將

孫鵬滇中兵備要略

倪蛻復昆明令書

倪蛻論廠務書

經費略

戶口說

滇繫

職官繫

趙州師 範荔扉纂輯

職言事官言人人與事協則政舉人與事乖則政廢利害所  
關振古如斯也滇開于漢自五代及唐雖屬羈縻建置亦同  
中州曰牧曰太守曰刺史曰令曰判官曰都督曰將軍曰總  
管曰治中曰校尉曰從事迨六姓竊壤則其清平布燮三托  
九爽軍將同倫之號相沿六百餘年元與明挈而列之一統  
乃梁段猶自分疆漢夷聽其錯處兵戈之警無歲無之我  
國家改土設流因勢利導碩望翹材連翩戾止彬彬乎稱極

滇繫 二之二

職官

盛也顧滇已非昔日之滇而治滇者猶泥昔日之治恐有鑿  
柄矣前代且無論卽西林望山兩相國之治滇日以蓄水墾  
田安內攘外興賢察吏除暴戢兵爲務其所拔擢者如張東  
閣允隨以知縣張經略泗廣以知府宮方伯勸爾元臬使成展黃觀察  
傑士張觀察元徐觀察本俱以牧令哈提軍元張提軍耀蔡提  
軍成南提軍天魏總鎮翥陳總鎮綸邱總鎮揚南總鎮天張  
總鎮宗應或以偏裨或以弁卒而文則籌教養武則捍收圍其  
所設施措置者迄今猶嘖嘖人口云夫官無計文武所重者  
貪廉之分耳蓋貪廉之著則詛祝生焉詛祝旣形則安危見

位君子可不知所擇哉

省垣卽雲南府

總督部堂

俗呼東院兼制貴州文武巡捕各二員文以佐雜武以千把總

中軍副將一員中

營都司一員

千總二員把總四員

左營游擊一員中軍守備一員千總

二員把總四員

右營游擊一員中軍守備一員

千總二員把總四員城守營

參將一員中軍守備一員

千總二員把總四員坐京提塘一員雲貴輪充

以武進十或武舉爲之

巡撫部院

俗呼西院兼理糧餉文武巡捕同制憲

中營參將兼管左營一員中

軍守備一員

千總二員把總四員

右營游擊一員中軍守備一員千總

二員把  
總四員

布政使司 俗呼後司 兼管銅務 經歷一員 庫大使一員

按察使司 俗呼前司 兼管驛務 經歷一員 司獄一員 錢局兩司同管

糧儲道 專轄雲武兼管屯田水利

鹽法道 庫大使一員

雲南府知府 下同知 一員 通判一員 分駐南關 教授一員

訓導一員 經歷一員 昆明縣知縣 附郭 縣丞一員

教諭一員 訓導一員 典史一員 富民縣知縣 教諭

諭一員 訓導一員 典史一員 宜良縣知縣 教諭

一員 訓導一員 典史一員 嵩明州知州 學正一員

員 訓導一員 吏目一員 晉甯州知州 學正一員

訓導一員 吏目一員 呈貢縣知縣 教諭一員

訓導一員 典史一員 安甯州知州 學正一員 訓

導一員 吏目一員 羅次縣知縣 教諭一員 訓導

一員 典史一員 祿豐縣知縣 教諭一員 訓導一

員 典史一員 昆陽州知州 學正一員 訓導一員

吏目一員 易門縣知縣 教諭一員 訓導一員

典史一員 共十屬

武定州

武定營參將駐城內中軍守備一員千總二員把總四員

武定直隸州知州下學正一員 訓導一員 吏目一員 金沙

江巡檢一員駐江邊 元謀縣知縣 教諭一員 訓導一

員 典史一員 祿勸縣知縣 教諭一員 訓導一員

典史一員共二屬

大理府

提督軍門節制六鎮 中軍參將一員 中營守備一員千總二員

員 左營游擊一員 中軍守備一員千總二員 右營游擊一

員 中軍守備一員千總二員 城守營都司一員 中軍守備

一員千總二員 新設賓川汛千總一員

分巡迤西兵備道專轄大永麗楚順永景蒙並查各土司襲替

大理府知府下同知一員 通判一員分防彌渡 教授一員

訓導一員 司獄一員 太和縣知縣附郭 教諭一員

訓導一員 典史一員 趙州知州 學正一員 訓導

一員 吏目一員 雲南縣知縣 教諭一員 訓導一

員 典史一員 鄧州知州 學正一員 訓導一員

吏目一員 浪穹縣知縣 教諭一員 訓導一員



典史一員 賓川州知州 學正一員 訓導一員 吏目一員 赤石崖巡檢一員 雲龍州知州 學正一員 訓導一員 吏目一員 大井大使一員共七屬

永昌府

騰越鎮總兵官駐騰越州 中軍游擊一員 中營守備一員千總二員 員把總

四員 左營都司一員 中軍守備一員千總二員 把總四員 右營都司一員

員 中軍守備一員千總二員 把總四員

龍陵協副將駐龍陵 中軍都司一員 右營中軍守備一員千總二員

把總六員

永昌協副將駐府城 中軍都司一員千總二員 把總四員 右營守備一員

千總一員 把總三員

永昌府知府下 同知一員分駐龍陵 教授一員 訓導一員

司獄一員 施甸巡檢一員 沙木和巡檢一員 龍陵

巡檢一員兼管司獄 保山縣知縣附郭 教諭一員 訓導一員

員 典史一員 永平縣知縣 教諭一員 訓導一員

典史一員 騰越州知州 州判一員分駐龍陵 學正一員

員 訓導一員 吏目一員 龍川江巡檢一員共三屬

麗江府

鶴麗鎮總兵官

駐鶴慶州

中軍遊擊一員 中營守備一員

千總二員 員把總

四員 左營都司一員

中軍守備一員

千總二員 員把總

右營都司一員

千總二員 員把總

維西協副將

駐維西

中軍都司一員 右營分防中甸守備一員

千總二員 員把總

劍川營都司

駐劍川

中軍千總一員

把總二員

麗江府知府

下同知

一員

分駐中甸

通判一員

分駐維西

教授一員

員 訓導一員 經歷一員 麗江井大使一員 麗江

縣知縣

附郭

教諭一員

訓導一員

典史一員

鶴慶

州知州 學正一員 訓導一員 吏目一員 劍川州

知州 學正一員 訓導一員 吏目一員 彌沙井大

使一員

共三屬

楚雄府

楚姚協副將

駐城內

中軍都司一員

千總二員 員把總

楚雄府知府

下

教授一員

訓導一員

司獄一員

楚雄

縣知縣

附郭

教諭一員

訓導一員

典史一員

定遠

縣知縣 教諭一員 典史一員 琅鹽井提舉司一員

井學訓導一員 黑鹽提舉司一員 大使一員 姚

州知州 州判一員分駐普洲 學正一員 吏目一員 白  
 鹽井提舉司一員 大使一員 安豐井大使一員 井  
 學訓導一員 南安州知州 州判一員分駐磬嘉 學正一  
 員 訓導一員 吏目一員 鎮南州知州 學正一員  
 訓導一員 吏目一員 廣通縣知縣 教諭一員  
 阿陋井大使一員 典史一員 大姚縣知縣 教諭一  
 員 訓導一員 典史一員共七屬

順甯府

順雲營參將駐城內 中軍守備一員千總二員 右軍守備一員把總四員

左哨千總一員把總二員 右哨千總一員把總二員

順甯府知府下通判一員分駐緬甯 教授一員 訓導一員

經歷一員分駐右甸 知事一員 猛緬巡檢一員 順甯縣

知縣附郭 教諭一員 訓導一員 典史一員 雲州知

州 學正一員 訓導一員 吏目一員共二屬

永北廳

永北營參將駐城內 左軍守備一員千總一員 右軍守備一員把總四員

千總二員 把總三員

永北直隸廳下 教授一員 訓導一員 經歷一員 知事

滇黔

一員無屬

景東廳

景蒙營游擊

駐城內

中軍守備一員

千總二員  
把總四員

景東直隸廳

下

教授一員

訓導一員

經歷一員

猛統

巡檢一員無屬

蒙化廳

蒙化直隸廳

下

教授一員

訓導一員

經歷一員

漾濞

巡檢一員

瀾滄江巡檢一員

南澗巡檢一員

無屬

普洱府

普洱鎮總兵官

駐城內

中軍游擊一員

中營守備一員千總二員  
員把總

四

左營游擊一員

中軍守備一員

千總二員  
把總四員

右營游擊一員

員中軍守備一員

千總二員  
把總四員

分巡迤南兵備道

管轄普鎮元臨

普洱府知府

下

同知二員

駐思茅  
駐威遠

通判一員

分駐他

經

歷一員

抱母井大使一員

猛甸分防經歷一員

巡

檢分駐思茅兼司獄一員

威遠知事一員

甯洱縣知

縣附

教諭一員

移駐他郎訓導一員

典史一員

共一

滇黔 二之一

職官

八

臨安府

臨元鎮總兵官駐城內

中軍游擊一員中營守備一員

千總二員 員把總

四員左營都司一員中軍守備一員

千總二員 把總四員

右營都司一員

中軍守備一員

千總二員 把總四員

臨安府知府

下同知一員

教授一員

訓導一員

經歷

一員 建水縣知縣

附郭

教諭一員

訓導一員

典史

一員 曲江巡檢一員

石屏州知州

學正一員

訓

導一員 吏目一員

阿迷州知州

學正一員

訓導

一員 吏目一員

甯州知州

學正一員

訓導一員

吏目一員

通海縣知縣

教諭一員

訓導一員

典史一員

河西縣知縣

教諭一員

訓導一員

典

史一員

嶧峨縣知縣

教諭一員

訓導一員

典史

一員 蒙自縣知縣

教諭一員

訓導一員

典史一

員共八 屬

元江州

元江營參將

駐城內

中軍守備一員

千總二員 把總四員

新嶧營參將

駐新平

中軍守備一員

千總二員 把總六員

元江直隸州知州

下學正一員

吏目一員

因遠巡檢一

員 新平縣知縣 教諭一員 典史一員 揚武壩巡  
檢一員共一屬

鎮沅州

鎮沅直隸州知州 下學正一員 吏目一員 按板井大使二

員 新撫巡檢一員 恩樂縣知縣 教諭一員 典史

一員共一屬

曲靖府

分巡迤東道管轄曲開昭東廣 廣

曲靖協副將駐城內 中軍都司一員 左營守備一員千總二員 把總四員

右營守備一員千總二員 把總四員

尋霑營參將駐宣威州 中軍守備一員千總二員 把總四員

曲靖府知府 下同知一員 教授一員 訓導二員 司獄

一員 南甯縣知縣附郭 教諭一員 訓導一員 典史

一員 白水巡檢一員 霑益州知州 學正一員 訓

導一員 吏目一員 炎松巡檢一員 陸涼州知州

學正一員 訓導一員 吏目一員 羅平州知州 學

正一員 訓導一員 吏目一員 馬龍州知州 學正

一員 訓導一員 吏目一員 尋甸州知州 學正一

員 訓導一員 吏目一員 易古巡檢一員 平彝縣  
知縣 教諭一員 訓導一員 典史一員 宣威州知  
州 學正一員 吏目一員 可渡巡檢一員共八屬

開化府

開化鎮總兵官駐城內 中軍游擊一員 中營守備一員千總二員 員把總

四 左營都司一員 中軍守備一員千總二員 把總四員 右營都司一

員 中軍守備一員千總二員 把總四員

開化府知府下 同知一員分駐馬白 教授一員 訓導一員

文山縣知縣附郭 典史一員共一屬

昭通府

昭通鎮總兵官兼貴州威甯駐城內 中軍游擊一員 中軍守備一員千總

二員 把總四員 左營游擊一員 中軍守備一員千總二員 把總四員 右營游

擊一員 中軍守備一員千總二員 把總四員 前營游擊一員 中軍守

備一員千總二員 把總四員

鎮雄營參將駐鎮雄州 左軍守備一員千總一員 把總三員 右軍守備一員

昭通府知府下 同知一員分駐大關 大關知事一員 通判一

員分駐魯甸 右寨巡檢一員駐魯甸 教授一員 經歷一員

知事一員駐牛街 延津渡巡檢一員 恩安縣知縣附郭

典史一員 永善縣知縣 縣丞一員駐官材 教諭一員

員 典史一員 鎮雄州知州 州同一員分駐彝良 州判

一員分駐威信 學正一員 吏目一員 母享巡檢一員共三

屬

東川府

東川營參將駐城內 左軍守備一員千總一員 右軍守備一員把總三員

千總一員 把總三員

東川府知府下 教授一員 經歷一員分駐巧家 會澤縣知縣

廣南府

附郭 典史一員 則補巡檢一員 万補巡檢一員共一

廣南營參將駐城內 中軍守備一員千總二員 把總四員

廣南府知府下 教授一員 訓導一員 經歷一員駐土富州

寶甯縣知縣附郭 典史一員共一屬

廣西州

廣西營游擊駐城內 中軍守備一員千總二員 把總四員

廣西直隸州知州下 州判一員分駐五槽 學正一員 訓導一員

員 吏目一員 師宗縣知縣 縣丞一員分駐邱北 教諭一員



訓導一員 典史一員 彌勒縣知縣 教諭一員

訓導一員 典史一員 竹園村巡檢一員共二屬

宋以前官數已無可考元憲宗五年立萬戶府十有九置大理都元帥府世祖至元間置巡行勸農使置行樞密院軍興時設事已則罷置宣慰司有軍事則兼都元帥府又諸路先後置總管府沿邊置宣撫安撫招討司十年置行中書省於善闡十二年命宣慰司與都元帥府並聽行省節制置郡縣尹長選廉能者任之十九年罷雲南宣慰司二十年置雲南道提刑按察司二十一年罷雲南都元帥

府以所管軍民隸行省二十四年罷雲南道按察司二十六年復立按察司二十七年以按察司所治置行御史臺二十九年設廉訪司徒置行御史臺於陝西三十年復立行御史臺於雲南成宗大德二年復罷行御史臺置肅政廉訪司仁宗天祐元年置雲南行省儒學提舉司英宗至治二年置中慶大理兩路推官泰定帝泰定四年置雲南行省檢校官順帝至正四年復立雲南按察司行省置丞相一員平章政事二員右丞二員左丞一員參知政事二員郎中二員員外二員都事二員檢校一員照磨一員架

漢書  
閣管勾一員理問二員副理問二員知事一員提控案牘  
一員都鎮撫一員副都鎮撫一員宣慰使司都元帥府在  
大理金齒等處者每府置宣慰使三員同知二員副使二  
員經歷二員知事二員照磨兼架閣管勾一員在永昌等  
處者減經歷知事各一員宣慰使兼管軍萬戶府在曲靖  
等路臨安廣西道元江等處者每府置宣慰使三員同知  
副使各一員經歷一員都事二員照磨兼管勾一員都元  
帥府置都元帥二員副元帥四員經歷知事各一員元帥  
府置元帥一員經歷知事各一員宣撫司在麗江路者置

宣撫使一員同知副使各二員僉事一員計議經歷知事  
各一員提控案牘架閣一員在廣南西道者不置副使僉  
事安撫司置安撫使一員同知副使僉事各一員經歷知  
事各一員招討司置招討使一員經歷一員諸路萬戶府  
置萬戶一員副萬戶一員經歷一員知事一員又府屬有  
鎮撫司上中下所千戶副千戶上下所百戶等員諸路總  
管府上路置總管一員同知治中判官各一員下路不置  
治中而同知如治中之秩後置推官上路二員下路一員  
經歷一員知事一員或二員照磨兼承發架閣一員諸散

滇  
府置知府或府尹一員同知判官推官知事提控案牘各  
一員諸州上州曰尹中州下州曰知州雲南皆下州置知  
州一員同知判官各一員吏目一員諸縣上縣置尹丞簿  
尉各一員典史二員雲南縣皆中下中縣不置丞下縣置  
官如中縣事簡之地則以簿兼尉後又別置尉別有印典  
史一員行省置儒學提舉一員副提舉一員外府置儒學  
教授一員學正一員學錄一員散府置教授一員下州置  
學正一員其行御史臺置大夫一員中丞二員侍御史二  
員治書侍御史二員經歷一員都事二員照磨一員架閣

管勾一員承發管勾兼獄丞一員肅政廉訪司置廉訪使  
二員副使二員僉事四員經歷一員知事一員照磨兼管  
勾一員凡元帥府總管府宣撫司安撫司招討司萬戶府  
千戶所府州縣皆有達魯花赤一員以蒙古人爲之漢人  
爲貳明洪武十五年置雲南都指揮使司改雲南行省爲  
布政使司仍置雲南鹽課司改諸路爲府置知府知州知  
縣等官三十年置雲南按察使司永樂九年置雲南巡按  
監察御史正統五年置雲南巡撫都御史自此至景泰間  
時設時罷成化十二年置臨元瀾滄金騰曲靖四兵備道

以按察司副使爲之十六年復置雲南巡撫都御史嗣後始常置嘉靖十七年命雲南巡撫兼贊理軍務隆慶四年命雲南巡撫兼理建昌畢節等處軍務萬曆十二年命雲南巡撫兼督川貴兵餉尋改分巡安普道爲兵巡安普道天啟二年置川湖廣西雲貴五省總督兼攝貴州巡撫事務駐貴州布政使司置左右布政使各一員分守安普道左參政一員督糧鹽法道分守臨元道督理銀場道右參政各一員分守金滄道左參議一員分守洱海道右參議一員經歷都事照磨檢校理問司獄濟用庫大使副使各

一員按察使司置按察使一員清軍道屯田道提學道副使各一員金騰瀾滄臨安曲靖四兵備道副使各一員分巡安普臨元金滄洱海四道僉事各一員經歷知事照磨檢校司獄各一員都指揮使司所置員數均係武職鹽課司有黑白二井各置提舉一員同提舉副提舉吏目巡檢大使各一員其餘諸井或置大使一員諸府置知府一員同知一員通判二員或一員推官一員經歷知事照磨檢校司獄各一員諸州置知州一員州同州判吏目各一員諸縣置知縣一員縣丞主簿典史各一員巡檢驛丞員數

不一府各置儒學教授一員訓導一員或二員州各置學  
正一員訓導一員縣各置教諭一員訓導一員其府州縣  
自同知州同縣丞以下儒學自教授以下或全置或不全  
置或先有後裁或先無後設之不同至

本朝順治十六年置經略督師入滇後事竣罷設置雲貴總督  
又仍明制置雲南巡撫雲南等處承宣布政使司提刑按  
察使司分守分巡兵備兵巡督糧驛傳提學諸道鹽課司  
提舉知府知州知縣等官改都指揮使司爲都使司設屯  
田都司操捕都司及經歷康熙四年裁左右布政止置布

政使裁屯田操捕都司五年裁府州縣冗官及巡檢驛丞  
等共一百四十五員六年裁各府推官二十年裁安普臨  
元金滄洱海四分守道置分守池西道又裁分巡兵備安  
普臨元金滄道止置糧儲驛鹽提學三道二十六年裁都  
使司及經歷四十一年始以翰林院官提督雲南學政自  
後恭聽

欽點無定旋設池東又增池南道此其大略也姓名籍貫則有  
通志及藩署之檔冊在茲不復詳列謹考其功德之及民  
者備錄于右裨觀者得所師法焉

陳立

字少遷四川臨邛人故金城司馬初為連然長不韋令諸蠻畏之河平閒夜郎王興等治兵相攻遣使和解不從刻木象漢吏立道旁射之杜欽說大將軍王鳳曰漢使和解諸蠻王侯受詔已復相攻輕易漢使不憚國威其效可見恐議者復守和辭彼得收獵其眾申固其謀黨助眾多雖有孫吳賁育智勇無所施屯田守之費不可量宜因其罪惡未成選任職太守入誅其王侯尤不軌者鳳然之因薦立為牂牁太守立至牂牁斬夜郎王興諸夷震恐降立還郡興妻父翁指與興子邪務收餘兵迫脅旁二十二邑反立與郡尉長史分將攻之翁指據阨為壘立使奇兵絕饗道縱反閒以誘其眾都尉萬年曰兵久不決費不可供引兵獨進敗走趨立營立怒叱戲下令格之都尉復還戰立引兵救之時天大旱立攻絕其水道諸夷共斬翁指持首出降

後漢

文齊

廣漢人西漢末為益州太守造陂池通灌漑墾田二千餘頃率厲兵馬修障塞降集羣夷甚得共和公孫述據蜀齊阻險固守述拘其妻子許以封侯齊不降聞光武即位乃閒道遣使自聞蜀平徵為鎮遠將軍封成義侯道卒詔郡人立廟祀之

張翕

巴郡人永平閒為越巂太守政化清平在郡十七年卒人慕之如喪父母

王阜

蜀郡人元和閒為益州太守政化尤異有神馬四出滇池中甘露降白鳥見始興學校漸遷其俗阜一作追

張喬

籍貫失考安帝初為益州刺史元初四年越巂夷封離叛遣中郎將尹就討之敗績詔以兵屬喬五年永昌等三郡夷叛應離眾至十餘萬破二十餘縣焚掠百姓千里無人喬遣從事楊疎擊離等大破之離乞降三十六種皆附喬因奏長吏姦滑激亂者九十人皆論死而諸夷遂定

楊

竦

籍貫失考為益州從事以刺史張喬命討封離竦偵知賊盛未遽進先以詔書示三郡密徵死士懸重賞與離大戰破之斬首三萬餘級獲生口千五百資財四千餘萬悉來欵附尋病創卒喬

李

融

巴郡人初為大尉熹平五年益州蠻叛執太守雍融上其功勒銘繪像焉

龐

芝

籍貫失考益州刺史熹平五年與李融同討叛夷

景

毅

廣漢人李融卒後諸蠻復叛以毅為太守復討定之毅初到郡斛米萬錢及至漸以仁恩未期月米價減

張亮則

字元修南鄭人牂牁太守威著南土永昌越嵩夷欲叛畏亮則乃止

三國漢

董

和

字幼宰南郡枝江人漢末率宗族西遷劉璋以為牛鞞江原長時蜀土殷富俗尚奢靡和躬率以儉所在皆化後遷益州太守其清約如前與諸蠻從事務推誠心南人愛信先主定蜀徵為掌軍中郎將署左將軍大司馬

費

詩

字公舉犍為人建安末為綿竹令先主既定成都領益州牧以詩為督軍從事尋拜牂牁太守還為州前部司馬先主稱尊號詩上疏曰陛下憤曹氏篡竊糾眾討賊今大敵未克而先自立班人心疑惑昔高祖與楚約先入關者立及子嬰就降尚懷推讓今不法

諸葛亮

瑯琊人建興元年領益州牧六月益州耆帥雍闓殺太守求附於吳又使郡人孟獲誘煽諸夷牂牁越嵩皆叛應闓三年春亮表請南征參軍馬謖進曰用兵之道攻心為上攻城為下心戰為上兵戰為下願公服其心而

已亮納之比至南中所至戰捷由越嶲入斬閬等獲收餘  
衆拒亮亮募生致之既擒使觀營陣復縱之更戰七縱七  
擒猶遣獲獲不去曰公天威也南人不復反矣遂入滇池  
益州永昌牂牁越嶲四郡皆平亮卽其渠率而用之或以  
爲疑亮曰若留外人則當留兵兵留則無所食一不易也  
加夷新傷破父兄死喪留外人而無兵必成禍害二不易  
也又夷累有廢殺之罪自嫌費重若留外人終不相信三  
不易也今吾欲使不留兵不運糧而綱紀粗定夷漢粗安  
耳故

馬

忠

字德信閬中人初爲郡吏獻帝建安末舉孝廉除漢  
昌長後主建興元年丞相亮開府以忠爲門下督三  
年亮南征拜爲牂牁太守承朱褒叛亂之後撫育卹理甚  
有威惠八年召爲丞相參軍副長史蔣琬署留府事又領  
州治從事九年督將軍張嶷等討汶山郡叛羌十一年南  
夷豪帥劉胄反擾亂諸郡庾降都督張翼討之不克丞相  
亮以忠代之遂斬胄平南土加忠奮威將軍封博陽侯初  
建甯郡殺太守正昂縛太守張裔於吳故都督常駐平彝

縣至忠乃移治味縣處民夷之間又越嶲郡亦久失土地  
忠率將張嶷開復舊郡由此就加安南將軍進封彭鄉亭  
侯延熙五年還朝加拜鎮南大將軍七年留  
成都平尚書事後復歸南十二年卒子修嗣

張

嶷

字伯岐南充縣人後主建興九年爲牙門將屬馬忠  
討汶山叛羌南平四郡蠻夷輒有籌畫戰克之功十  
一年又從忠討劉胄戰鬪常冠軍首遂斬胄牂牁與古獠  
種反忠令嶷領諸營往討招降二千餘人悉傳諸漢中延  
熙三年除越嶲太守嶷之郡以恩信誘諸蠻北徼捉馬最  
驍勁不承節度嶷自往討生縛其帥魏狼又解縱告諭諸  
蠻聞之多漸降服以功賜爵關內侯在郡十五載屢著威  
績邦域安穆乞還乃徵詣成都夷民扶轂涕泣隨之朝貢  
者數百人

晉

李

毅

天水人廣漢主簿太康閒罷甯州入益州以毅爲校  
尉持節統兵鎮南中監五十八部明達剛斷蠻民信

職官

職官

三



服事詳  
典故

毛

孟甯州治中惠帝末西南夷叛會刺史李毅卒孟詣京師求救不見省孟固請曰君臣親喪幽閉窮城萬里

王

遜字邵伯魏興人任郡察孝廉累遷上洛太守私牛馬帝末西南夷叛甯州刺史李毅卒城中百餘人奉毅女固守經年永嘉四年治中毛孟詣京師求刺史乃以遜為南夷校尉甯州刺史適遇賊寇踰年乃至外逼李雄內有夷寇吏士散沒城邑邱墟遜披荒糾厲收聚離散征伐諸夷俘馘千計威行南土遣子澄奉表勸進於元帝帝嘉之累加散騎常侍賜爵襄中縣公遜以地勢形便分改諸郡皆見施行事詳疆域太甯元年李雄遣李驤等渡瀘水寇甯州遜使將軍姚崇驤琮拒之戰於堂琅大破驤等崇追至瀘水赴水死者千餘人崇以道遠不敢渡水遜以崇不窮追也怒囚諸帥執崇鞭之怒甚髮上衝冠冠為之裂夜中

姚

岳明帝時甯州裨將軍太甯元年大破李驤于堂琅晉甯至今有祠祀

梁

徐文盛

字道茂彭城人大同末持節督甯州刺史先是州在僻遠所管羣蠻不識教義貪欲財賄劫奪相尋前後刺史莫能制文盛推心撫慰示以威德夷獠感之風俗遂改

隋

梁

睿字持德安定烏氏人開皇間為益州總管討平王謙之亂夷獠畏服夷酋驤震恃遠不賓睿請以甯州朱提瀘南西爨置總管從之

梁

毗字景和安定烏氏人文帝時以直忤權貴出為西甯州刺史在州十一年先是蠻夷酋長皆服金冠以金

職官

職官

三

多者為豪僞由此遞相陵奪每尋干戈邊境略無寧歲毗  
患之後因諸酋長相率以金遺毗毗置金坐側對之慟哭  
而謂之曰此物饑不可食寒不可衣汝等以此相滅不可  
勝數今將此來欲殺我耶一無所納悉以還之於是蠻夷  
感悟不相攻擊帝聞而善  
之徵為散騎常侍大理卿

唐

**韋仁壽**京兆萬年人高祖時擢雋州都督府長史南甯州納  
欵朝廷歲遣使撫之率貪饕為邊患帝素聞仁壽治  
理詔檢校南甯州都督寄治越巂歲一按行慰勞仁壽將  
兵五百人循西洱河開地數千里稱詔置七州十五縣擇  
豪長授以牧宰咸令簡嚴人皆安悅將還蠻長泣曰天子  
藉公鎮撫奈何欲去我仁壽以池壁未立為解諸蠻即相  
率築城起廨再旬略具仁壽乃告以實曰吾奉詔第撫循  
庸敢擅留南中父老乃悲啼祖道遣子弟隨貢方物天子  
大悅仁壽請徙治南甯州詔可勅益州給兵護送刺史竇  
軌疾仁壽功誅言山獠方叛未可以勤遠略遂不遣仁壽

歲餘卒

**爨歸王**

南甯州西爨白蠻也有才略貞  
觀間為南甯州都督忠於唐

**趙孝祖**

永徽間以左領軍將軍為郎州道行軍總管討南甯  
白水蠻平之因奏勃弄以西與牒榆洱河相接無大

部長好結仇怨明年移兵大破  
西南夷撫而安之其境遂定

**韓思彥**

字英遠鄧州人高宗時為監察御史巡察劍南益州  
高貴兄弟相訟屢年不決思彥勅厨人飲以乳二人

悟齧肩相泣曰夷獠不識孝義公無乃以弟兄共乳而  
生耶乃請輟訟至西洱河誘叛蠻降之璽書褒美焉

**韋臯**

字城武京兆萬年人貞元初為劍南節度使兼雲南  
安撫使初西瀘令鄭回為南詔清平官說異牟尋歸

唐而無路自致會臯至鎮有威惠招撫境土尋遣人求  
內附臯以聞乃命臯作書諭之遂決策歸唐尋請以大臣  
子弟質於臯臯辭固請乃令就學成都尋屢從臯  
破吐蕃兵事詳典故中南詔自是比年貢方物

敬官

三

李德裕 字文饒贊皇人太和四年為鄭滑節度使徙劍南西

樓凡山川險要悉圖於上未踰月皆若身嘗陟歷上命修

塞清溪關以斷南詔德裕上言通南詔細路至多不可塞

惟重兵鎮守可保無虞乃修甲冑器械作雄邊子弟等十

一軍築仗義禦侮柔遠等城復邛崃關徙舊州治臺登以

奪蠻險舊制歲運內粟贍黎舊州分餉諸戍常以盛夏苦

瘴毒輦夫多死德裕命轉邛雅粟以十月為漕始先夏而

至運饋者不陟 炎月邊民乃安

元

兀良合台 蒙古人世祖討南蠻諸國以合台總督兵事自且

來迎降遂至金沙江合台分兵入白蠻茶罕章破其寨柵

又攻阿塔刺牛空和寨絕其汲道其子阿木迎擊寨兵退

走遂并其弟阿叔城俱拔之進取龍首關入大理分兵取

附都善闡轉攻烏蠻合刺章水城又破羅部大酋高昇進

勃古思 從世祖征花馬國率兵千人結浮橋於金沙江以

賽典赤贍思丁 同回人世祖呼為賽典赤而不名賽典赤猶

南時宗王脫忽魯鎮滇或於左右具甲兵為備丁聞之遣

其子納速刺丁先至王所請曰天子以雲南守者非人致

諸國背叛故命臣來安集之且戒以至境當即加撫循今

未敢專願王遣一人來共議王聞遠罵其下曰吾幾為汝

輩所誤明日遣親臣二人至丁問以何禮見皆以名馬為贄

納速刺丁偕來視猶兄弟也請用子禮見皆以名馬為贄

拜跪甚恭觀者大駭乃設宴陳所賜金寶飲器酒罷盡以

與之二人大喜過望明日來謝語之曰二君雖為宗王親

臣未有名爵不可以議國事欲各授君行省斷事官以未

見王未敢擅授令一人先還稟王王大悅由是政令一聽

職官

三

二之一

丁所為十二年奏諸夷未附者多今擬宣慰司兼行元帥府事並聽行省節制又奏哈刺章雲南壤地均也而州縣皆以萬戶千戶主之宜改置令長並從之十三年以所改雲南郡縣上聞乃教民以禮作陂池以備水旱創建孔子廟購經史置學田文教稍興又相地置鎮每鎮土酋吏百夫長各一人行者或劫掠則罪之有土吏數輩為丁所黜至京誣其專僭數事帝顧侍臣曰丁憂國愛民此輩之告誣也命械送丁既至脫械諭之且與以官職皆叩頭謝誓以死報交趾叛服不常遣人諭以禍福約為兄弟交趾王大喜乞為藩臣羅槃甸叛往征之有憂色從者問故曰憂汝曹冒鋒鏑不幸以無辜死又憂汝曹劫擄平民使叛則又從而征之耳師次羅槃三日不降諸將請攻不許遣使往諭越三日又不降諸將復請攻之又不許俄而將卒有乘城進攻者遠鳴金止之召而叱曰吾奉命安撫不奉命殺戮也無主將命而擅攻法當誅命左右縛之諸將叩首請俟城下之日從事羅槃主聞之曰平章寬仁如此拒命不祥乃舉國降諸夷聞風翕然款附夷酋每謁見例有獻納悉賜從官貧民秋毫無所私為酒食勞酋酋長製衣冠鞵履易其卉服草屨酋皆感悅丁居雲南六年卒年六十九百姓巷哭葬鄯闡北門交趾王遣使哀經致祭帝思其功詔省臣守其成事不得輒改大德元年贈咸陽王諡忠惠子五人長納速刺丁次哈散廣東道宣慰使都元帥次忽辛亥苦速丁兀默里建昌路總管次馬速忽雲南諸路行中書省平章政事

納速刺丁

六年遷帥大理以軍抵金齒蒲縹曲蠻緬國招安夷寨三百籍戶十二萬二百定租賦置郵傳立衛兵歸以馴象十二入貢十七年雲南省臣撫綏失方授納速刺丁行中書省左丞尋陞右丞建言三事一謂雲南省規措所造金薄寶易病民宜罷一謂雲南有省有宣慰司又有都元帥府近宣慰司已罷行省既兼領軍民則元帥府亦當罷一謂雲南官員子弟入質達官子弟當遣餘宜罷奏可

二十一年進平章政事奏減哈刺章冗官歲省俸金九百餘兩專人督屯田課程歲增金五千兩二十九年卒贈中書左丞相延安王子十二人忽先雲南行省平章政事沙的雲南行省左丞

張立道

字顯卿陳甯人至元間以王府文學從皇子雲南王忽哥赤之鎮勸王務農以厚民即署立道勸農官領屯田事元帥寶合丁毒殺忽哥赤立道潛結義士十三人約共討賊刺臂血和金屑飲之推一人走京師告變事洩合丁囚立道將殺之提舉張忠者於立道為族兄結壯士夜劫出共走及寶合丁伏誅有旨詔立道等入朝帝曰汝等為我家事甚勞苦今欲事朕乎事太子乎事安西王乎惟意所向立道等奏願留事陛下於是賜立道金五十兩以旌其忠十年三月領大司農事書以立道熟於雲南奏授大理等處巡行勸農使佩金符其地有昆池環五百餘里夏潦暴至必昌城郭立道求泉源所自出役丁夫治之洩其水得壤地萬餘頃俱為良田爨熒之人蠶桑未得其法立道教之飼養滇民富庶羅羅諸蠻相率來降收其地悉為郡縣十五年除中慶路總管佩虎符又修建孔子廟置學舍教其子弟擇士之賢者為師歲時率諸生行釋菜禮人習禮讓行省平章賽典赤表言於朝有旨進官十年七年入朝請於帝以雲南王子也先帖木兒襲王爵帝從之遂命立道為臨安廣西道宣撫使兼管軍招討使陸辭

愛魯

賜以弓矢會禾泥路必思反煽動諸蠻亟發兵討之拔其城邑徇金齒甸七十城越麻甸抵可蒲皆下之二十二年又籍兩江儂土貴岑從威李維屏所部戶二十五萬有奇以其籍歸有司遷臨安廣西軍民宣撫使復創廟學於建水路書清白訓於公廡以警貪墨風化大行入朝條陳十策帝嘉納焉三十年皇會孫松山封梁王鎮雲南廷議求舊臣可為輔者立道遂以陝西行臺侍御史拜雲南行省參政卒於官著有雲南風土記六語通說若干卷

職官

二之一

祖昔里鈐部太師諡貞獻加贈愛魯太師追封魏國公改

贈平章政事諡毅敏子教化中書平章政事請於朝贈

相吾答兒帥諸將征緬愛魯供餉饒無乏絕二十五年卒

雲南諸路宣慰使副都元帥明年復立雲南行省拜參知

慶路版籍得隱戶萬餘以四千戶即其地屯田十六年遷

農焚軍十年平章瞻思丁令愛魯疆理永昌十一年閏中

賦平火不麻等二十四若七年改中慶路達魯花赤兼管

唐兀人昔里鈐部子也襲為大

五年從雲南王征金齒諸部震服六年再入定其租

二之一

諡忠節

怯烈

西域人世居太原由譯使從贍思丁經略川陝至元十二年立雲南行省署為幕官蠻夷款服烈功居多十五年分省大理會緬入寇以戰具資軍士討平之授行中書省左右司員外郎十八年平章納速剌丁遣詣闕敷奏邊事世祖愛其才辯拜鎮西緬甸麓川等路宣撫司達魯花赤兼管軍招討使成都烏蒙諸驛阻絕怯烈市馬給傳往來便之俄被詔問征緬事宜奏對稱旨賜幣帛及翎根甲諸王相吾答兒左丞太卜征緬烈率兵船為鄉導拔江頭城振旅而還復從南王入緬總兵三千屯鎮驃國設方略招徠其黨由復業者眾後入覲世祖慰勞之詢以緬國始末擢僉統中書行中書事願詔於緬宣布威德緬王遣子入貢累進雲南諸路行中書省左丞大德四年以病卒

也罕的斤 匣刺魯人至元十七年征幹端拜雲南行省參知政事二十一年與諸王相吾答兒右丞太卜分道

征緬造舟二百艘進攻江頭城拔之獲銳卒萬人命都元帥來世英守之圖其形勢遣使詣闕具陳攻守之方隨遣黑的楊林招降不報諸蠻據太公城以阨大兵復遣僧諭以禍福反為所害遂督軍進擊破之金齒等十二城皆降以五千兵戍之後改四川行樞密副使卒

趙世延

字子敬其先雍古族人居雲中至元二十一年授雲南諸路提刑按察使司判官時年二十有四會烏蠻叛白省臣以軍討之蠻兵大潰請降擢監察御史歷四川肅政廉訪大德間八百媳婦為邊患右丞劉深往討兵敗還棄市於是右丞阿忽台當繼行世延言蠻夷宜羈縻而重煩天討致軍旅亡失誅戮首臣藉使盡得其地何補於國今窮兵黷武實傷聖治朝廷當選重臣知治體者付以邊寄兵宜寢事聞樞密院謂用兵大事不宜以一人之言為輿輟世延再疏兵竟罷後官至中書平章政事封魯國公諡文忠

也先不花

蒙古怯烈氏至元二十三年拜雲南行中書省平章政事時阿郎可馬丁焚夷為變討平之遂立登

真器 二之一

職官

兵

雲南路府州縣六十餘所得戶二十餘萬官其部長定其貢稅邊境以甯

張萬家奴

父札古帶為都總管萬戶殺於軍萬家奴從征討有功授以父官至元間進副都元帥將四川湖南

兵征哈刺章時雲南峩昌多與羅羅諸夷皆叛殺掠使者州郡莫能制遂以其兵討之民為之立祠二十年從征緬

朵兒赤

字道明西夏甯州人世祖時為雲南廉訪副使會諸蠻叛僚佐悉稱故去赤獨居守又八月省臣大懼歸

符印欲遁朵兒赤白於梁王得檄而後出及為雲南廉訪使會行省丞相帖木迭兒羅織安撫使法花魯丁將置極

刑赤曰生殺之權繫於天子方面之臣而專殺意將何為丁竟獲免熒夷與蠻相仇殺省臣受熒賂誣奏蠻叛殺良

忙古帶

契丹人世祖時襲父職為隨路新軍總管從攻羅必甸至雲南詔以衆入緬迎雲南王金齒諸蠻伏險為

備帶奮擊破之凡十餘戰至緬境開金齒道奉王以歸遂副都元帥從諸王阿台征交趾至白鶴江三戰奪其戰艦

又從雲南王攻羅必甸破之二十九年入覲成宗即位授烏撒宣慰使遷大理金齒都元帥六年討平烏撒羅羅斯

賜鈔九年平羅雄叛賊進驃騎衛上將軍雲南行中書省左丞宣慰使都元帥卒於軍至大四年贈龍虎衛上將軍

程思廉

字介甫東勝州人至元二十六年為雲南行御史臺中丞始至蠻夷部長來賀詞若遜而意甚倨思廉奉

宣德意示以禍福諸蠻皆懼服雲南舊有學校而禮教不興思廉力振起之始有從學問禮者

劉正

字清卿靖州人德元為雲南行中書省左丞時雲南民歲輸金銀所差官必先重賂省臣乃得遣及至徵

收之數每十加二而拆閱之數又如之其迎送饋贐亦如納官之數正疏革其弊給官

忽

辛

師有旨令宗王協力施行由是一切病民之政悉罷豪民  
 避徭役往往投充王府宿衛有司不勝供給忽辛按朝廷  
 原額所無者悉籍為民減其宿衛三分之一馬龍首謀叛  
 陰與外賊通事覺宗王為左右所蔽釋不問忽辛與劉正  
 反覆研鞫反狀盡得竟斬之軍糧支給地里遠近不同吏  
 緣為姦忽辛籍軍戶姓名及倉廩處所為更番支給吏姦  
 始除先是贍思丁建孔子廟撥田五頃以供祭祀贍思丁  
 卒田為大德寺所有忽辛按廟學舊籍歸之乃復下諸郡  
 立廟學選文學為之師文風大興王府畜馬多悉縱之郊  
 敗民禾稼而牧人在民家宿食民無甯居忽辛度地置草  
 場構屋使為牧所民得以安廣南西沙奴梗化忽辛遣使  
 誘至待之以禮畱數月不遣首請還忽辛曰汝欲還可納  
 印來首不得已齋印至忽辛置酒宴勞諷令偕印入覲帝  
 大悅大德五年緬首負固忽辛遣人諭之曰我老賽典赤  
 平章子也惟先訓是遵凡官府於汝國所不便事當為汝  
 更之緬首聞遂與使者偕來獻白象一既入帝賜緬首以

世子之號烏蠻等租賦歲煩軍徵索忽辛以利害榜諭諸  
 蠻不遣一卒而租賦咸足俄有為飛語惑宗王者忽辛馳  
 報朝廷遣使臨問凡造言之徒悉誅之忽辛偕使者還覲  
 至大三年卒贈雍國公諡忠簡子二人伯杭中慶路達魯  
 花赤曲列湖  
 南宣慰使

李

京

字景山河間人大德五年由樞密宣慰烏蠻尋陞烏  
 撒等道宣慰副使兼管萬戶時烏蠻等地隸雲南行  
 省京方下車會羣蠻不靖按行調發餽給鎮撫周履滇境  
 後悉其見聞為誌略四卷以進翰林學士虞集元明善序  
 之

支渭興

字文舉

鄧陽人文宗至順庚午進士為雲南行省考  
 試官道梗畱雲南屢進宣慰副都元帥有惠政能文

章所著詩  
 集行於世

楊祚

字慶之

文宗時廉訪僉事有才  
 略所至以興學化人為先務



三日八

字山堂號飛山子西夏人至正間行省雲南右丞多善政深得軍民之心有遺愛焉

張瑾

字君錫號玉溪河南人至正間為雲南廉訪副使興學勸農鋤強旌善常行部至激江辯釋禁獄五十餘

人剖決冗案三百餘事人皆頌之

明

沐英

傅友德

沐晟

沐昂

俱詳本傳

張

統字昭季陝西富平人洪武初平雲南以統為右參政陞左布政使凡貢賦法令壇祠公署一切典禮皆所

規定夷民悅服治行為天下第一特令吏部勿考賜璽書褒勞歷任十六年後陞吏部尚書

王

俊字大用江南合肥人洪武五年任雲南前衛指揮使

衆攻之傾其穴擒真佑以獻斬首數千級獲輜畜無算築城設衛而還永樂初以入賀陞都指揮使賜文綺犀帶在

任三十餘年戎事無巨細多所綜理

陳

遜福建浦城人永樂間任雲南左參政陞右布政使博學有志操卒於官無以為殮都督沐昂經理其喪歸

之

周

新廣東南海人先任御史慷慨敢言人目之曰冷面寒

獄剖晰立決尋改浙江異政日著以捕治錦衣紀綱之黨

周

樂江西吉水人永樂間任按察副使以清操著卒於官篋中惟經史數帙殞殮皆寮友為之辦

周彥奇

江西吉水人永樂間任僉事麓川緬甸仇殺彥奇單騎深入宣布國威諭以禍福各夷俛首而服遂解去

張雄

江南溧陽人永樂間任雲南都指揮僉事善撫士卒征交趾多立奇功後平鐵索蠻卒於軍

王善

字思舜福建侯官人宣德間任參議敦大不苛麓川叛善進兵金齒值歲歉眾議和羅善曰兩者皆病民乃獨僧寺徭役命出粟數萬石饑民賴之永甯鹽井土蠻爭地讐殺善為剖析俱帖服

楊甯

浙江錢塘人正統間麓川反甯以刑部郎往諭後從軍務甯有才略善撫軍民邊境賴之以安

李福

字天佑江西安仁人先任瀾滄衛指揮僉事從征麓川有功陞雲南都指揮僉事守備瀾滄訓練士卒番

李福

蠻不敢犯後陞雲南都指揮僉事景泰間進右軍都督同知充總兵

李福

都指揮同知

沐璘

昂長孫璘初廕父禧千戶進襲祖指揮僉事以功陞雲南都指揮僉事景泰間進右軍都督同知充總兵

官繼斌

鎮雲南修廢墜汰冗蠹政務畢舉方思機之未獲也朝廷檄璘捕滅眾議深入璘曰此釜中魚安能久乎深

入徒勞

非計也宜以兵臨境達尺書於緬內襲外扼擒之甚厚廣南寇儂榮叔姪為亂璘遣官授以成算平之木

邦陶孟

思指構兵璘復調兵平之天順元年陞右軍都督六月卒年二十八璘為人端謹恬淡類儒者門無私謁好

讀書長吟咏尤工篆籀草書建五華書屋羅書史其中政

暇與士人討論古今竟日不倦

有古儒將風所著詩文若干卷

沐璘

璘弟璘卒代鎮善騎射有膂力景泰間襲錦衣衛副總兵官至鎮修城壘增糧儲禮賢興學禁貪剔蠹祿穀俱

及霑益

阿賽構亂悉遣兵平之龍川木密麓川諸叛夷俱所平定成化三年協鎮雲南明年改副總兵

鎮守金騰

未幾卒年四十有二子誠詳見後

何純

字惟一江西南新淦人成化間臨安副使適寇盜充斥純立哨堡嚴捕逮賊皆斂跡加意學校講經義正文

體後卒  
於官

王

恕

字宗貫陝西三原人清正嚴毅德行文章卓然師表  
自成化間巡撫雲南初蒞時即懸示云不攜僮僕單身  
自來意在潔已奉公豈肯縱人壞事人皆錄其辭焚香禮  
之在任阻貂瑞寶玩禽獸之獻止侵漁田土之弊禁參隨  
擾害絕交趾貿易法行中倖威振

外夷歷陞吏部尚書卒諡端毅  
按滇繩貪獎廉精勤明

樊

瑩

字廷璧浙江常山人成化間按滇繩貪獎廉精勤明  
敏時交人越界掠殺方議用兵瑩移諭禍福遂納款  
宏治十七年雲南晝晦五日復以南刑部侍郎奉勅考察  
雲南諸吏罷遣千餘人詔回晉尚書卒贈太子少保諡清  
簡

姚

旭

字景揚江南桐城人成化間任右參政秉性清剛臨  
敘有素其賞許以節鉞者不聽拂  
衣告歸囊橐蕭然有詩文若干卷

劉

鈺

字伏和江西安福人成化間任按察使用刑明慎蠻  
夷畏懷時中官遣郭景取捷徑往安南假朝命求賂  
安南知其詐縱之還遣兵尾後將近邊郭給其部長請入  
白守關者脫歸巡撫王恕令鈺捕之郭懼赴井死逮治其  
黨遣人諭安南明示  
禍福遂退內地以安

陳

騏

字夢初廣東南海人成化間任按察司副使時鎮守  
太監錢能橫甚命藩臬官五日一揖能復不出令錦  
衣衛指揮受禮惟騏正立不屈託病即歸能怒一日見叱  
之曰你這蠻子食蛇慣了故此大膽騏曰豈但蛇即豺狼  
虎豹也要食能目左右欲  
毆之騏趨出執法如故

沐

誠

字擇善瓚長子七歲通孝經論語長襲曾祖武襄指  
揮僉事爛韜略工吟咏善草書叔父武僖器之瓚卒  
軍民合辭乞誠繼鎮金騰仍進錦衣衛都指揮使充  
參將芒市諸蠻為邊患率兵往捕之卒年二十有六

沐

詳

字擇明瓚次子以撫鎮奏授錦衣衛指揮僉事鎮守  
金騰時孟密蠻思牒侵擾木邦詳入其地撫諭懇切

思樸悔懼歸侵疆遣使納貢成化二十一年蒲酋阿林莽邱連結作亂詳以計縛莽邱斬阿林還捷聞賞賚甚厚二十二年干崖作亂討之尋以他事

掛議罷歸滇城卒年三十有二  
**賀元忠** 吳縣人宏治間由監察御史任金騰兵備未久即去者號泣元忠亦泣下而去

後人見其亭曰卻金亭  
**何琛** 屏息時征叛蠻將官擅殺昌功琛劾奏得旨治如律

人咸快之  
**席書** 字文同四川遂寧人宏治十七年雲南晝晦五日勅大臣考察雲貴諸吏書以部郎上疏言致災之由係朝廷不係雲貴在大臣不在庶官上時事千言正德十二年任右布政使霑益土舍構亂贊剿有功

**郭緒** 字繼業河南太康人宏治間以左參議守金滄時思疊據金沙猖獗緒單騎往撫至猛賴去金沙僅二舍

夷咸驚曰漢官亦能至此發兵環之緒拔劍示將校期以翼日渡江疊聞遣使請命緒宣勅諭先敘其勞次伸其冤及還力卻饋遺事聞陞四川參政

**林俊** 字待用福建莆田人宏治間以按察使駐鶴慶有元老言不可犯恐致電損稼後令積薪伺之果電即止已而無驗遂焚之得金數百鑑悉輸於官代民償逋毀邊方淫祠三百六十餘所學宮傾壞撤其材新之並創築趙州城一時貪墨望風解綬衛官虐軍者寘之法民得休息後歷官刑部尚書諡貞肅

**張璞** 字仲美湖廣江夏人正德間按滇剛正不阿凡夷險悉皆涉歷時鎮守太監梁裕濫取物貨民不堪命璞盡釐革之裕與鶴慶貪酷同知敖英構謀誣奏劉瑾受裕賂逮璞下獄卒後贈太僕寺少卿

**范鏞** 字鳴遠陝西臨洮人正德間巡撫雲南時大司馬王鏞字瓊擅不附已者輒構以事鏞獨不附瓊銜之時富職官

民典史高詔先任御史以劾瓊謫官鏞薦之瓊益憾遂誣鏞擅委都司奏逮下獄欲加重罪久之得降調嘉靖改元

詔錄用鏞已卒賜祭復其官

唐

龍

字虞佐浙江蘭谿人正德間按滇先是中璫錢能為龍鎮守有廝養錢甯者滇人也始中璫性機警為能信用指揮盧和附能門下言相人術一見甯謂當大貴私結之甯拜和為父後和以甯寵昌陞金齒參將挾讐勘死平民四人燬尸以滅其跡又強奪生員妻事發坐斬甯為和奏辨下鎮巡覆鞫正德十一年審囚使者至甯陰囑出和獄且使楊金齋書於龍龍堂裂而還之曰和詐為耳一日使者語龍曰和獄以無尸當末滅龍折之曰四人無尸蓋和燬之耳此而未滅則天下酷吏紛然燬人之尸吾實不能從也縱今日富貴立至其如三尺何使者語塞即令械和送獄一時咸稱唐直指中流砥柱土官鳳朝明被奏革職陰遣使劉宣董博載金寶賂甯協鎮撫求為題襲龍至巡撫首以此來會龍不可駁還其封客有為朝明者曰鳳氏持萬金伺半歲矣龍正色曰即萬金一芥耳斯言何為其

人慚而去朝明復哀求甯甯令言溥詐冒滇人保舉得內批襲知府實甯詐為之部檄下臬司時沈仁輔為按察使鞫問按治如律龍備言鳳氏及朝明罪惡與不當襲狀執奏於朝下部時驗封司郎中蘇天秀如龍原議覆奏得旨朝明仍降土舍刑威以正至今稱焉

陳

察

字原習江南常熟人正德間按滇每行部青驪布袍吏望風解綬去時中官請權鑛銀以佐度支費察持不可曰此兵端也彼睹其利未睹其害竟罷議金齒帥挾中貴人說而嚮人察劾治如律世宗初疏言金齒騰衝地極邊徼既統以巡撫總兵等官可無事鎮守中官復行兼理因劾太監劉玉都督沐崧罪詔並罷還

聶

賢

字承之四川長壽人正德間任金滄副使以祛奸釐弊為務時大理有指揮素貪虐謔媚貴官賢至徐勸誘使盡吐其私賄還故主然後繫之獄聞者快焉

何孟春

字子元湖廣郴州人正德間任巡撫博雅冠一時政務簡靜時有石言之異禱於神石裂蟒飛亦異政也

劉節

字介夫江西大庾人正德間任金騰兵備廉正有威臨事果斷與軍民恩義相洽時兩鎮闖貪甚節以法

繩之力為裁抑權貴側目亦不敢犯革鎮之議自此始未幾遷廣西按察使累官南京吏部左侍郎

顧應祥

字惟賢浙江長興人嘉靖間兩次撫滇博軒豁不事苛察文章行誼一時推重滇人祠祀與王恕何孟

並春

鮑象賢

字復之江南歙縣人嘉靖間任副使豁達練事備兵臨安畫安南之役其功尤偉後陞兵部左侍郎

蔣宗魯

字道父貴州普安人嘉靖間任巡撫精明嚴毅弭盜愛民時東川土目阿堂弒主自立患蔓三省宗魯至

陽調各兵而陰以土兵敗賊於野馬川設奇用伏阿堂授首先任臨安兵巡平元江那鑿之亂民賴以安

呂光洵

字信卿浙江新昌人嘉靖間兵部尚書兼右都御史巡撫雲南時方多故竭忠宣力誅鳳繼祖於武定斬

王一新於易門殲高欽於姚安昆陽菽甸黠賊以次芟除邊境又甯

徐瓚

字朝儀浙江永康人嘉靖間任左布政安銓之變瓚言於巡撫歐陽重謂賊敢稱亂以我軍非敵耳不如

以夷攻夷為便重從之調元江蒙化鎮沅等夷兵以漢軍佐之分統進剿瓚居中理餉立招降旗陰誘脇從又裂小

旗千餘大書同心協力各保身家八字於上諭令聽撫於是歸降者眾已而鳳朝文叛與安銓合眾焚劫進圍省城

瓚論以朝廷恩威寇退請降瓚即夕遣使掣回官軍厥明合擊賊俘獲萬餘簡釋無辜民深德焉

毛鳳韶

字瑞成湖廣麻城人嘉靖間按滇時闖鎮為害滇人苦之韶至抗疏斥罷後復以僉事道分巡金滄尤多

政惠

王惟賢

字士官四川中江人嘉靖間任分巡金滄僉事從歐陽南墅講學經畫多實政清郵傳酌操軍甦里甲滇

民有遺思焉

楊

最 字殿之四川射洪人嘉靖間任副使渾樸清貞吏胥

李

樂 字仲和湖廣瀘溪人嘉靖間任金騰兵備副使剛正

張

輻 字文衡浙江山陰人嘉靖間任金騰兵備副使廉明

兵未晚乃遣兵往諭果從命未幾力懇致仕去

張

佳印 字肖甫四川銅梁人有文武才嘉靖間任提

陳

善 字思敬浙江錢塘人嘉靖間以副使督學教士嚴整

建立著有滇南類編

吳

檄 字用宣江南桐城人高才能詩文嘉靖間由樞曹任

世行於

鄒應龍

字雲卿陝西長安人嘉靖未効嚴嵩隆慶間任巡撫

任鐵鎖箐寇狂獠單騎督征俘馘無算犁穴設所瀾滄宴然

徐

棡 字世寅江南常熟人隆慶初任按察

徐

中行 字子與浙江歸安人隆慶間任左參議以詩文與王

邀其獎掖為榮滇風為之蒸變

朱

奎 字季文江西南昌人隆慶間任瀾滄兵備

鄒

光祚 字承卿江西饒州人隆慶間任金騰兵備副使

胡

心得 字元靜浙江德清人萬歷間任金騰兵備性嚴重無

武生岳大成為緬閒謀心得計擒致森杖斃大成衆心稱快

方 沈

福建莆田人初左遷安甯提舉清整鹽弊商民感戴復工文章萬歷間轉督學品隲公明

吳 定

字子德河南安陽人萬歷間巡撫雲南人滇時三宣以蠻莫為辭紛馳告急乃便宜用鄧子龍於對簿閒

使帥兵西出子龍至而蠻莫歸滇人安枕後丁改煇虐道阻不通討平之晉秩加恩賚

周嘉謨

字明卿湖廣景陵人萬歷間撫滇值諸蠻變亂用兵七日而克淡泊靜鎮滇人德之

馮應鳳

字邦瑞浙江山陰人萬歷間按滇甫下車值凶歲民間朝夕不給又有緬警應鳳寬不急之徵覈無名之

費督有司賑濟饑民戒邊地勿弛備禦由是民無轉徙邊患漸消

周懋相

字弼甫江西安福人萬歷間按滇楊禮等煽亂於尋甸懋相連破之逆黨就擒滇境以安其他實心實政

遠邇感慕

許天琦

字大正福建晉江人萬歷間任金騰兵備副使性方毅初視事見三宣六慰土府諸司悉受緬約東深為

歎息遂一意招徠宣諭威德嘉與更始諸夷稍通未幾卒漢夷思之

蕭 彥

字思學江南涇縣人萬歷間撫滇二載諸所條奏皆西南長計會姚營兵鼓噪授計設伏竟殲兇渠釋脅

從歷官戶部侍郎

方良曙

字子賓江南歙縣人萬歷初任左布政使仁明慈恕應務如流濬滇池以溉民田時滇寇新撓困於軍食

良曙調給無乏初至庫貯空虛暨數歲富埒諸省又振興理學踐履篤實滇士師之

王績之

字大卿四川南充人萬歷初任參政分守臨元長材豁度念嗣人採山之苦悉除遠年逋課民用蘇息

謝肇淛

字在杭福建長樂人萬歷間任右參政博洽多才彈壓池西郡邑士民德之有滇略四卷刻於葉榆

郭 棐

字篤甫廣東番禺人萬歷間任右布政使誠心直道會滇西寇蠢動餽運未嘗乏絕清虛冒之餉省不費

之費著有炎微瑣言



李先著 山東人萬歷間以參政分守臨元道不染不撓

李渭 字湜之貴州思南人年十四父授以毋不敬及思無

問所得渭以取予言行處著力為對道林日此亦經經小

人耳渭竦然復以父意為宗以必為聖人為主萬歷間由

粵東副使來任左參政與滇人士講明理學與

郭良 字復吾福建惠安人萬歷間任僉事分巡安普渾樸

羅汝芳 字惟德江西南城人萬歷間任屯田副使晉左參政

金騰道 緬莽瑞體大舉攻池西思箇壁請救汝芳募商

人熟入緬者悉偵其險要虛實更密檄諸夷絕緬糧道斷

歸路緬人大困屠象掘草以食死者山積可刻期盡殲會

有聳巡撫王凝阻之者遂檄汝芳勿妄動因憤恨而罷緬

隨遁去後 遂倡獫狁

李材 字孟誠江西豐城人萬歷間以按察使管金騰兵備

喜談兵陞巡撫 鄖陽僉都御史

李文績 字德延四川宜賓人萬歷間由參政歷按察使性耿

嚴辭四壁蕭然客 坐之外他無長物

陳洙 字伯訓福建長樂人萬歷間任提學副使遴選公明

圖書數 賑濟寒士滇之服教感德者久而不衰晉參藩橐中

鄧原岳 字汝高福建閩縣人萬歷間任提學僉事敏練通達

進 所拔皆名士尤善獎掖手註文選梓行於滇以教後

**方萬山** 字仰之江南歙縣人萬歷間任按察使時兵燹之餘痾疫未起萬山秉公肅憲覈濫冒汰首功慎讞決釋累獄隴川弗靖旋就削平運籌助贊之力居多公餘寄情山水尤加意作人梓課藝改學宮人文蔚起

**漆文昌** 江西瑞州人沉毅有謀略為永昌撫夷同知緬酋連年入寇猛哈思化皆助之時議欲加兵巡撫蕭彥令文昌往撫乃單騎入酋壘宣朝廷德意諸夷警服或請首聽命遂築關堡興屯田親履原隰相度地勢悉中機宜緬人不敢內窺以功遷廣南知府萬歷間擢金騰兵備副使騰永之民皆尸祝焉

**沈傲炳** 字叔永浙江歸安人萬歷末巡撫雲南先是貢金為累破家者眾傲炳以疆場多虞力請減除遂得免

**閔洪學** 字周先浙江烏程人天啓間土寇作亂貴州道塞自福建布政擢撫雲南至任委布政謝存仁及參將袁善督漢土兵屢破安効良於霑益滇境獲安

**朱燮元** 浙江山陰人天啓間貴州安邦彥作亂巡撫王三善陷歿遂以燮元總滇黔楚粵蜀五省軍務駐劄貴陽

定水西之難危而復安歷任兵部尚書

**袁善** 字復虛昆明人初任順蒙守備陞撫標中軍轉松潘參將累著軍功尋以事罷天啓初值水西安酋之叛賊至霑益欲襲省城巡撫沈傲炳以便宜起用善駐兵松林相機勦捕賊隨撲滅滇賴以安陞右軍都督僉事卒贈都督同知

**王景** 四川華陽人崇正間任金滄道剔蠹釐奸不遺餘力建月城樓重修蒼麓書院

**何閔中** 字綱卿湖廣黃岡人學問淵博性量寬和崇正未任瀾滄兵備捍患禦災功績甚著卒於洱海士民戴之

**楊文岳** 四川西充人崇正間任右布政有才幹旬宣兩地政績甚著捐貲築昆陽州城官至兵部侍郎

**郭鎮** 順天宛平人正統間任新興知州值大溪水溢民不聊生鎮設醴祭河安流如故後知雲南府勤於其職凡倉廩學校皆所修葺卒於官滇民祀於廣備倉旁新興亦立祠祀之

高公韶

字太和四川內江人正德間以御史言事謫富民典史有惠政置館延師教民子弟風俗一變尋知大理府威惠併用吏畏民懷晉參政官至侍郎兩地士民咸廟祀之

陳紀

字惟修四川內江人萬曆間任三泊知縣拊循有方奸弁奪民田租稅不入按法論罷邑有鑛山民苦逋課白臺司封之有父子訟獄者愀然曰是令失教罪匪獨在民遂懲其子勸導其父民感泣父子相愛如初

方用

江南全椒人洪武初由總旗累官至指揮使隨沐英入滇開設陸涼衛即掌衛印修城池建公署興屯田安民禦寇著有嘉績永樂間調征交趾遂留守交州

李珊

江西臨川人嘉靖間任馬龍知州政無煩苛安銓之變挺身抗敵城賴以全去時軍民泣留

萬中

字惟一湖廣黃陂人洪武十五年從宣甯侯金朝興海觀音奴甯州吉台諸蠻梗化中以兵定之陞臨安衛指揮同知尋陞雲南都指揮從征安南冒炎瘴卒

詹英

貴州衛人正統間任河西縣教諭性剛直不畏權勢時靖遠伯王驥三征麓川英劾其老師費財疏載藝文

熊啓宇

字六開江西南昌人崇正末任府推官李定國破臨安宇被執罵賊不屈賊義釋之賊屠城橫屍二十餘萬宇率殘民瘞之後歲饑乏食設法炊粥以賑者兩月全活甚眾

朱統鏞

字司烜江西南昌人崇正間以府通判署石屏州事恤民疾苦異龍湖有水瀾魚梁壅塞水道鏞令拆去更築堅堤數百丈以砥之湖水東流淤田復墾捐給傭值合州永食其利建祠祀之

童璽

字國信福建連城人正德間任澂江府始至以郡治弗利改遷於陽溥山移學於郡治舊基仍以舊學為仰山書院郡東北有溪每值霖潦為害璽築堤東谷障之北流築郡城樹譙樓移屯倉政績最多

董昺

字子仁江西樂平人成化中官都給事以直言忤旨謫石舊知縣奉職公勤明於折獄片言而決人無冤職官

抑時土酋猖獗賊盜蜂起旻練民兵防禦使遠近相為保  
聯遂至荏苒絕警土人不敢跳梁後以循良茂著超擢布  
政司參議

鄧世彥

湖廣人隆慶間任武定同知值土酋鳳繼祖倡亂世  
彥贊畫盡心輓運無悞用能以次剿平民鮮失所又  
創建府治城垣樓櫓地方賴以保障兵燹之後瘡痍未復  
彥招集流亡寬釋脅從省刑薄斂善政甚多一時漢夷帖  
服條議改設流官  
至今頌其功德

李崧

號肖梧四川內江人嘉靖間任師宗知州甫下車嘆  
曰以數十家窮夷當一荒州其何以堪雖然官守有  
常吾知奉職已爾去弊與利愛民如子自奉淡泊粗糲妻  
子衣布陞任士民保畱在任九載賢聲茂著比陞大理同  
知民追送百里外泣  
涕之聲徹於道路

張繼孟

字太巖陝西扶風人崇正初為御史以剛直出為廣  
西府正直嚴明與文講武會普名聲死其妻萬氏復

猖獗議招撫往者輒被害繼孟單騎入賊營諭以

利害萬氏遂降陞浙江鹽運使郡人肖像祀之

諸葛伯恒

籍貫未詳洪武間任趙州吏目廉謹有文學秋毫不  
擾於民月俸不春而食布政張統薦之官至參政

楊樊

貴州人宏治間任太和知縣以能稱時廉字領圯擬  
修之費約千金工以萬計樊曰姑已之待明年人莫  
喻其意春正月即諭民應造版籍各令投狀樊察舊事吏  
算里書應索民數千金疲於候命者萬人樊乃親督造寫  
毫末不遺仍借此佐廨宇之役人役力一工畝科石一片  
民視往昔減半費皆樂于赴功帑不支而事竣吏胥不得  
索一錢後

陞知府

蔡紹科

浙江黃巖人嘉靖間任大理府有便民四事省里  
甲治道塗立市肆作宮室人感其德至今猶稱之

高鏞

公韶子嘉靖間以御史左遷尋任大理同知儻有  
風節重修文廟濬泮池製備祭器樂器有功學校  
湖廣武陵人嘉靖間任太和知縣熟諸吏治決訟如

龍翔霄

流他郡邑有疑獄或難事悉委之太和倉有積粟吏

職官

三

虞紅朽獲罪霄令春粟得米出陳易新民免困累而積貯之數無虧上官下其議行于闔省後遷南京兵部主事

莊

誠四川成都人萬歷間任趙州知州以興廢為已任凡

行賄誠執使封金聞於當路俱寘之法永平汰兵作亂所過殘掠誠百計周防賴以無事清浮糧釐差發疏水利修舉鄉射禁食毒草凡利民生全民

袁

義廬江人羽林右衛指揮同知從征雲南洪武間沐英

遁去授楚雄衛指揮使墾田築堰修城郭建橋梁區畫久遠之計入觀上惜其老令醫為染其鬚髮俾仍撫治以威遠人後徵還歷官都督僉事卒賜祭葬

祝宏舒

四川溫江人嘉靖間任楚雄府因俗為治尤篤意文

諸生人文崛起武定鳳朝文之亂區畫城守遠近避亂者歸之賊不敢入其境

張大亨

廣西全州人弱冠領鄉薦謁選候長安邸中嚴嵩初

年不出及罷相始出判瑞州隆慶初擢楚雄府同知攜一蒼頭一稚子灑然甚適也於吏事迎刃而解芟除九場巨

莫相

廣西全州人嘉靖間任姚州知州才敏行潔安鳳之

登陴共守夜不解帶賊憚而不取入後陞四川僉事

童述先

湖廣沔陽人萬歷間任推官署府事自武定變後民

稅減白井沙瀆課五百金民困以甦

吳崇德

字東臯江南虹縣人萬歷間任白井提舉慈祥不

嚴時泰

浙江餘姚人嘉靖二年永昌初復府諸事濶略人心未安泰來為守立法定制修輯署宇綏柔瘡痍控制

蠻夷撫馭卒伍勸學課士政務畢舉著有捐城錄一卷

李之仁

貴州人萬歷間任騰越知州先年屯徵俱衛屯官解年例科派苦不可支之仁察釐宿弊條議歸州乃獲

完額而民免累

鄧子龍

字雲卿江西豐城人萬歷間任永昌參將持重多謀慷慨任事緬人犯掠施甸焚殺極慘子龍追及於攀

枝花大敗之斬景宗真以靖蠻甸擒罕虔父子以開耿馬

捉莽裕以平阿坡築建關城多其指畫能詩工書有古名將風鎮姚關清平洞平丁苴白改夷

劉

江西南昌人父為總戎緹不假恩蔭自立武功萬歷

間以遊擊領騰衝守備事擒岳鳳曩烏緬人敢窺邊招思忠莽灼遠夷傾心志在滅緬功已垂成為宵人

阻扼腕而去平播竹征關白功業甚著累功至大尉勇略

吳顯忠

浙江山陰人萬歷間任騰衝參將協贊漆文昌屯田之議將兵平順高騰衝各處叛夷殲多俺平麓川其

功居多

林道節

福建莆田人由刑部主事歷官瀘州知州正統間鶴

為流官知府撫治夷民廟壇驛堡多所修葺一新

高賜

鶴慶人元為義兵萬戶洪武間歸附從征佛光寨招諭未附者輸金助餉授通安州同知有惠政夷民德

之

張吉

餘千人成化間以工部郎中疏劾李孜省及僧繼曉

等上怒謫景東通判景地居雲南絕傲俗鄙戾吉教以禮義民有罪者薄責之約無再犯土知府見吉不攜家

欲為置妾不聽遺以銀器復不受心敬吉遣其子榮就學由是夷民嚮慕漸有中士之化吉益自勵作慎獨窮理改過求仁四箴置座右忘其身之在蠻也

職官

徐 樾 字子直江西貴谿人嘉靖間任左布政元江那鑑

張 澤 字義甫江南桐城人嘉靖間以兵備道督兵討

周士昌 鳳繼祖敗績被執罵賊而死贈光祿寺少卿

朱永吉 四川內江人崇正間任左布政士首普名聲叛巡

朱壽鏞 撫王仇疏請會剿令士昌監軍遇伏發力戰死

朱壽鏞 字飛之廣西桂林人精天文術數初客黔投傅宗龍

事平題奏磨一子世襲百戶

能馮忠葬於路側趙能亦自刎

事平題奏磨一子世襲百戶

本朝

洪承疇 字亨九福建南安人前明萬曆丙辰進士沈毅有智

師討平之入滇嚴飭士卒有匿民間子女者繩以重法解

散投誠兵丁疏奏滇民疾苦發帑賑濟全活甚眾還朝卒

贈少師諡文襄

李天浴 字敬茲順天人康熙七年任雲南巡撫廉明勤慎事

法者時吳三桂奏請遷徙滇

民天浴力疏止之民賴以安

甘文焜 奉天正藍旗人康熙七年任雲貴總督駐劄貴陽體

體多所裁抑及三桂叛變起倉卒文焜令其妾盛氏自盡

攜幼子急趨鎮遠以圖恢復比至則鎮遠守將姜義先已

從賊文焜知勢不可為遂殺其幼子北面再拜自縊時

筆帖式何善雅圖各棄家從文焜死之賜祭葬諡忠果

真案二之一

職官

三

李興元

奉天人原籍順天遵化州康熙十年任按察使方正執法嚴抑藩兵不許違禁取利準折民間子女吳三桂叛守節不屈杖之下獄復安置蒙化尋遇害戮及家屬興元二孫尚幼時昆明人胡溥寓蒙化匿之蒙士左世先家得免後

趙良棟

陝西甯夏人康熙十九年授雲貴總督時大師圍雲南久不下良棟馳至督諸軍進攻逼之三日賊潰納欵良棟斂兵不入城即日率所部趨曲靖秋毫無犯有古良將風

蔡毓榮

奉天正白旗人湖廣總督康熙十九年授綏遠將軍同諸軍恢復雲南賊平後改授雲貴總督時逆氛初靖流離載途毓榮招撫散亡給牛種勤耕作

范承勳

字蘇公奉天正黃旗人康熙二十五年任雲貴總督滇黔經吳逆亂後庶事草創承勳沉毅剛明到任期月察吏安民撫夷弭盜整飭營伍銷禍未萌建學宮置經籍製禮樂器纂修通志凡所規畫無不動中機宜鉅細悉

舉在任六載  
威惠大行

許宏勳

字无功奉天遼陽人康熙二十五年任按察使秉臬廉慎無所撓枉二十七年楚北兵譁滇奸卒張麻子等思乘機為變期以三鼓發宏勳偵其謀亟白督撫戒譙樓徹夜無三搗捕斬亂首十數人兵民帖然消變方萌厥功甚

謝子道

字存我浙江鄞縣人康熙癸丑進士二十六年以郎任提學道學識淵粹是時聲教雖通士習文體尚多靡雜于道以宗匠持衡破格造士每試召諸生面教之環繞座前所定高下藻鑑不爽賞拔多成名士自是滇南文風彬

石文晟

字綱菴奉天正白旗人康熙三十三年巡撫雲南豁達多才為政務舉大綱先雲南屯賦仍前明舊額科重軍戶病之文晟疏減十之六設立義倉以惠窮兵添建號舍以恤舉子鄉試解額特疏增廣撫滇七載士民戴之



劉蔭樞 陝西韓城人康熙丙辰進士四十二年任按察使方

正不阿論囚平恕晉本省藩司值旱減價糶粟民不

苦饑濬六河疏海口葺學宮增

號舍政績甚多後遷貴州巡撫

楊名時 江陰人康熙辛未進士康熙雍正間巡撫雲南政尚

寬平不喜操切其力革壓鹽濫役之弊滇人無不頌

之罷官後留滇者七年 純廟登極

鄂爾泰 滿洲人康熙己卯舉人雍正初總制滇黔粵氣宇恢

宏精神煥發而又行之以公誠事機所至無不迎刃

而解功績詳各繫中入為

高其倬 漢軍人康熙甲戌進士官總督平魯奎定營制性素

寬和而利害所關毫無瞻徇終戶部尚書世襲三等

男卒諡

文良

尹繼善 滿洲人雍正癸卯進士官總督時年甫三十而其經

營勞畫與鄂爾泰先後輝映尤好獎進人材遠致浦二

田為五華山長文風一

變終大學士諡文端

陳宏謀 臨桂人雍正癸卯進士官布政使設義學捐倉穀為

政以教養為先民咸感之後官至大學士卒諡文恭

傅恆 滿洲人以忠勇公大學士經略緬甸連戰破賊瘴與

疫作孟駁亦求緩師遂取成而還既至滇博採輿情

士民之來請見者皆接以殊禮

汰冗員更營制滇人至今思之

阿桂 滿洲人乾隆戊午舉人先官總督為彰寶所構閒寓

五華書院時取諸生詩文親為指點後以副將軍隨

經略出邊造船野牛壩號令嚴明兵威獨振既攻拔老官

屯緬酋求成戊戌仍赴滇籌緬李侍堯 請滿兵駐防永

昌公力阻之官大學

士封公卒諡文成

明瑞 滿洲人以承恩公為總督緬事既壞奉 旨進討出

邊後已連拔賊寨而會勦之師失期糧絕引還為賊

所乘轉戰十餘日遽歿于陣公御兵嚴有

擾民者立行梟示既殉節聞者無不隕涕

職官

二之一

皇

諾穆親滿洲繙譯舉人由按察司陞巡撫清儉自矢庶務必躬裁每出巡嚴禁餽送並定夫馬實數以手摺授地

方官不准濫給時緬事甫平休養之澤深為可感云

李湖南豐人乾隆己未進士由貴撫調雲南清儉類諾公而嚴肅過之精以察吏寬以治民尤加意學校後為

總督彰寶所累發金川軍營効力開復粵撫卒贈兵部尚書諡恭恪

書麟滿洲人性清而勤久在督撫緣事謫戍新疆嘉慶四年以協揆來制滇黔每見屬員開誠布公諄諄訓誡

與初中丞奏定鹽務並夫馬章程旋調兩湖以追勦逆匪積勞卒于軍

米聰宛平貢生太僕壽圖第三子國初平滇後知順甯府恤瘡痍集流囚設育賢館以訓士風氣大變旋告

歸

楊秘漢軍人知麗江府時初設流官而世酋木氏禁人讀書並虐使其下公劾之降土通判于是易羶裘之習

為冠帶之區後陞四川巡撫終光祿寺卿

馮甦臨海進士由永昌推官陞守澂江楚雄吳逆之變已被拘給以奉使粵西留其母妻于滇既至粵蠟書言

機宜逆平後陞任刑部侍郎

盧詢漢軍人任楚雄府嚴于察吏調廣西日五屬士民以磚塞城門不聽出並赴省城攀轅請留者約數百人

後陞陞布政使

張允隨廣甯人初任楚雄府勸樹蓄興學校調曲靖漸陞監司督撫而其功業所基實在楚雄云入為東閣大學

士卒諡文和

管學宣安福進士知麗江府定衣冠革火葬修志書楊公開其先公實善其後均不愧賢太守云

徐本僊蕪水舉人由文山縣擢永昌府在任幾十年凡利弊所關皆悉心為之後陞鹽法道

徐鐸 鹽城進士由編修出知雲南府宏獎風流拔書院中  
政使 山東布 之有雋材者自為訓課一時稱為知人陞糧儲道終

陳樹著

湘潭廕生由部郎官進西道公為恪勤公四子清修  
碩德不以世胄驕人道故轄十八土司無不視為利  
數公獨禁不時之餽且于承襲毫無偏袒大憲嫌其迂緩  
擬入計典奉 旨陞授長蘆鹽運使公去而邊事遂壞矣

王祿朋

天津進士官進東道公初履任即以各廠虧空  
關係甚重屢次稟揭致忤大府竟抑鬱而終  
屠述濂 孝感監生由麗江經歷官至按察使其任南道時過  
彌渡見拘繫者滿路詢知皆為鹽課抵省向制憲言  
其苦而招徠緬甸 尤為特著勞績焉

本著

滿洲舉人知大理府恤民愛士無疾言遠色而事周  
弗集賓川州以壓鹽致變西道約公同往查辦未至  
數里公請先行時羣不逞持械以俟既知為公俱伏地泣  
公亦下輿泣且極力開導取為首者薄懲之西道以邀譽

詠之大府大府亦銜之中以他事降調入都卒常  
德旅次訃至士民為位以哭祀其主于中和書院

張玉樹

武功進士知臨安府清而不刻廉而不矯胸中絕無  
城府卒于署 八屬士民如喪所親爭舉其柩送之秦

中

杜思賢

遵義舉人初以米帖為丞善縣即調公知其事隨勢  
利導夷情大和鎮雖既叛公自省星夜還署民皆涕  
泣待命公曉以大義日講戰守  
合境無從賊者官至蒙化府

余慶長

安陸舉人知太和縣年甫餘二十精明幹練才餘于  
事歷陞四川甯遠府知府因公降調講求性命之學  
兼工考索每遇滇人 輒思舊治不置云

李肖先

夏邑進士知趙州前任著貪酷聲公至力反  
其所為奸猾吏俱斂迹甫三年陞大關同知

李瀄

衡陽監生知宜良縣修學宮興水利旋調署昆明日  
坐堂皇理事 惟五十詣轅稟參時總督乃李侍堯亦

職官

悉其能且知其慤  
不復有所責也

張勇 陝西人 國初開滇以提督隸洪經略  
功後以平吳逆封靖逆侯

哈元生 河間人 官提督黔苗煽亂結營楊老哨有蟒當道飛  
進戰滇路始通烏蒙之役射殺賊首黑

寡逆匪奪氣  
旋就蕩平

冶大雄 陝西人 立功金川軍中有冶馬踏金川之  
諺馬謂馬總鎮也官提督能作徑丈書

南天祥 昆明人 以總兵駐藏撤防後陞松江提督善畫虎所  
奏各摺載 硃批上諭中弟天章天培均官總兵

王進泰 漢軍人 官提督勤于教軍大開演武場每下操旌旗  
鎧仗五色迷離超乘之士往往獲重賞提標勁旅遠

出督撫二標之上諸  
子柄集彙俱官提鎮

寶瓊 平定州武進士 由廣東提督降鶴麗鎮長髯偉貌喜  
談國計民生娓娓不倦少暇遍集諸干把較藝習

射緬使過境坐高臺賞宴俱以生物環衛  
羅列弓刀炫耀諸夷懽拜而去以病告歸

蘇爾相 陝西人 以都司奉委催貢被羈者十八年開關納降  
後入京陞見授龍陵協副將陞鶴麗鎮總兵署提

督卒  
于任

魏壽國 字爾臣 昆明人 從定西藏勦魯魁平法夏歷任督標  
中軍副將雍正八年烏蒙祿萬福叛奉檄援東川途

次為萬福之叔祿鼎明刺傷左股負創馳保東城時已報  
陞臨元總兵矣旋以創劇還省遽卒事聞 賜祭葬贈卹

廕一子名崘 由  
部郎任觀察

高顯宸 直隸灤州人 康熙九年任雲南府立品剛方治嚴  
肅吏胥不敢肆其奸吳逆叛抗節不從遂杖於市戍

永昌衛服毒而死事聞贈太僕寺卿廕一子入監壽同知  
劉崑江西南昌人 亦以抗節不從同受杖戍騰越恢復後

以原官  
起用

郭維賢 籍貫未詳任阿迷州吏目康熙四年祿昌賢叛兵掠布沼維賢奉命往撫眾劫之罵賊而死

李焜 昆明人康熙戊子五經舉人任烏蒙府教授慷慨有才幹凡修學建城均田上官皆委任焉祿逆之變死

子學官

劉崑 字玉巖四川保甯人屢立戰功歷任東烏鎮遊擊祿時體傷力竭遂血書詩一首於壁而死有淋漓鮮血透征衣報國丹心總不移之句妻張氏聞變手刃二女同妾自殺止遺三歲孤子

歲孤子

提學典試非滇官也而文風士氣胥視之以為厚薄焉提學

除謝公子道外如吳公自肅 山東海豐人 蔣公洞 江南常熟人 王公之

樞 直隸定州人 魏公方泰 江西廣昌人 吳公應枚 浙江歸安人 孫公人龍 浙江

烏程人 楊公廷棟 江南宣城人 葉公觀國 福建閩縣人 余公雲峻 江南金壇人

李公廷揚 直隸滄州人 郭公元濬 江南全椒人 王公士棻 陝西華陰人 汪公

如洋 浙江秀水人 學校中人無不感之者典試尤多名流康熙壬

子科平原董公訥以編修充正主考 丁未探花後補行辛酉

科宛平米公漢雲以編修充正主考庚午科諸城李公澄中

以待讀充正主考 俱已未 鴻詞科 丙子科董公思凝以員外郎充副

主考 卽訥子後 戊子科新安呂公履恆以御史充正主考 後

戶部 辛卯科溧陽史公貽直以檢討充正主考 後官大學士 卒諡文靖

丁酉科臨川李公紱以待講充正主考 後官直隸總督 雍正癸卯科

滿洲鄂爾泰以員外郎充副主考後官大學士封伯卒諡文端丙午科

華亭張公照以學士充正主考後官刑部尚書卒諡文敏壬子科長洲彭

公啓豐以修撰充正主考丁未會狀後官兵部尚書仁和趙公大鯨以編

修充副主考後官副都御史乙卯科嘉定張公鵬翀以檢討充副主

考後官正詹乾隆辛酉科滿洲觀公保以編修充正主考後官左都御史

丁卯科涪州周公煌以編修充正主考後官兵部尚書壬申科滿洲

溫公敏以編修充副主考後官侍郎庚辰科滿洲景公福以編修

充副主考後官侍郎戊子科仁和孫公效會以侍講充正主考癸未

會元孝感胡公紹鼎以御史充副主考甲戌會元甲午科秀水唐公

淮以御史充正主考海豐查公瑩以編修充副主考俱以忤和珅告

病歸庚子科如皋戴公聯奎以編修充正主考現官禮部侍郎金鄉李

公翮以員外郎充副主考後官嘉湖道丙午科錢塘章公煦以主

事充副主考現官刑部侍郎甲寅科新城陳公希曾以編修充副主

考癸丑探花現官工部侍郎乙卯科義甯萬公承風以檢討充副主考現

禮部侍郎嘉慶戊午科長洲錢公榮以學士充正主考辛丑三元後陞閣學

同考之錚錚者時有其人而沔陽李公堂甲子得少司馬錢

公士雲丁卯得少廷尉周公於禮尤為罕觀云

名宦說

有猷有爲有守臣節也而治績昭焉滇處天末前明以處遷  
謫其詳載蕭彥疏中而士大夫爭自濯磨亦往往各露風采  
至我朝列聖相承于邊遠尤爲加意督撫監司每

簡其素負德望者府廳州縣選授遷擢一同于他省倘不法  
雖大吏必懲純廟之于恆文錢度彰寶李侍堯今

皇上之于富綱伊桑阿凡以爲民也大吏之率屬僚胥視此  
矣然大吏易于見功亦易于見過朝揭一令于轅而閭閻已  
夕被其澤暮夜受金未旦已喧傳于衢巷下此者非極綏輯  
之勞而功不彰非具廢弛之實而過不顯卽顯矣彰矣而彌

縫顛倒功過相混者亦有之夫貪廉者恩怨之府也奢儉者  
禍福之門也勤惰者成敗之端也求其全則如鳳毛麟角而  
截其長亦可璧合珠聯一利之興一弊之除是在有事郡志  
邑志者之博稽而慎紀矣

### 兵防考

漢制刺史郡守皆典兵武帝置犍爲郡又置西夷都尉後平  
西南夷置牂牁越巂二郡以益州刺史領之後漢明帝割益  
州西部六縣爲永昌郡置西部都尉三國漢昭烈帝初設康  
降都督改益州爲建甯郡後主分建甯永昌更置雲南郡又

分建甯泮河爲興古郡以康降都督綏南中郎將總其兵晉武帝初分益州置甯州又罷甯州入益州置南夷校尉成帝時分甯州置安州又置護南蠻校尉皆以太尉司徒大將軍大都督遙領之隋文帝初建昆州後置益州總管領其兵唐高祖初仍爲昆州復置檢校南甯都督寄治越巂太宗置首領大將軍高宗初置郎州道行軍總管後又置姚州都督於昆明弄棟川元宗始置劍南節度使領兵事遙制之後爲蒙段所據元世祖初置元帥府及總管分大理爲南北中三路又分中慶路爲二十七路并設宣撫安撫萬戶及千戶諸總

兵官明洪武十六年設鎮守雲南總兵官掛征南將軍印以

黔國公沐英領之駐省城轄通省衛所土司天啓二年設中軍參將一員旗鼓一

員正統五年設巡撫雲南等處地方贊理軍務都御史駐省城隆

慶四年加銜兼建昌畢節設中軍一員天啓二年設旗鼓一員成化十二年設曲靖兵備道

駐曲靖督曲靖尋甸臨安兵備道駐臨安督臨安澂江廣西廣南元江五府衛所土司

兵 金騰兵備道駐永昌督永昌順甯瀾滄兵備道駐洱海督大理楚雄

姚安蒙化鶴慶景東麗江永甯鎮沅九府衛所土司兵嘉靖

各道或副使或僉事領之天啓二年各設中軍一員

二十四年設霑益守備洱海守備四十五年改設臨元叅將

駐臨安萬曆三年改設順甯守備十二年改分巡安普道爲兵



巡安普道駐省城督雲南武定 十二年設永騰叅將駐永昌 設

姚關守備四十八年設隴把守備菽甸守備天啓二年設武

尋叅將駐武定 設倘甸守備而都司所轄者雲南左衛 雲南右衛 雲南前衛

大理衛 楚雄衛 臨安衛 景東衛 曲靖衛 洱海衛 永昌衛 舊為金齒軍民指揮使司 蒙化衛 平夷衛

越州衛 六涼衛 雲南中衛 雲南後衛 已下係後設

騰衝衛 以騰衝軍民指揮使司改 安甯千戶所 宜良千

戶所 易門千戶所 楊林堡千戶所 十八寨千戶所

通海前千戶所 通海右千戶所 定遠千戶所 馬

龍千戶所 姚安千戶所 姚安中屯千戶所 武定千戶

所 木密關千戶所 鎮安千戶所 舊為金齒千戶所 萬曆

十三年改駐守猛淋 鎮姚千戶所 舊為永昌千戶所 萬曆

十三年改駐守老姚關 永平前千戶所 永平後後

千戶所 騰衝千戶所 新安千戶所 鳳梧千戶所

本朝開滇後屢有更變現設各標營已詳列于前共統馬步戰

守兵丁四萬八千九百八十名較之晉豫已多至三倍惟使

卒無虛伍餉無冒支嚴于操練而寬于撫恤保民捍圉庶幾

其永賴矣

明太僕卿石屏塗時相仕學膚言

今天下承平既久民不聊生說者每病於吏治之未與此誠

知言也顧監司守令相臨相與風稱一路福星故一舉措與

除動係生民休戚而人心世道之正邪隆替往往因之固不

可置而不講然其中有虛文卒不可挽習俗牢不可破積弊

頓不可除機關深不可測古道竟不可行者夫惟有此五者  
日拘孿掣肘於上下之間所以時官俗吏未免隨世以就功  
名乘機以肆漁獵而志士仁人鮮有能自振者矣請更僕言  
之蓋上官爲百司綱紀惟所令如其所好斯可以立標準而  
一遵從夫何章程禁諭三令五申外若示人以簡約森嚴凜  
不可犯者稽其實殊大謬不然心之所愛憎一視餽遺之豐  
嗇奔走之勤惰以爲青白眼彼善宦者竊窺其微思所以得  
歡心而保名譽孰不陰爲阿奉也其掛之紙上僅空言耳滔  
滔皆是誰爲中流之砥柱耶

弊一

張官置吏本以爲民民之

所重在養與教今則簿書叢集訟獄繁興歲一考成季一比  
較上之所以課殿最下之所以程功能者惟此足矣外此而  
田里桑麻社倉學校皆司牧之所有事然地值衝繁者目不  
暇及甘心怠棄者視爲虛文一任其荒蕪傾頽付之罔覺求  
其憫念民生先正務者誰與故一遇凶年公私告匱人才風  
俗不遠先民遠矣

弊二

宦於斯土一切公費豈能不取之民

顧常祿而外有中正之則在也年來里甲條編橫征有禁長  
民者若羈驂而縛之足乃巧取羨金濫科納贖藉以潤囊  
橐而充餽遺凡此無非爲自己富貴功名計耳夫宿弊不除

是以衙門積蠹因緣為奸百姓膏脂暗抽盡也弊三中丞部  
使日計羣吏治狀達之銓司以憑黜陟蓋知人安民意也然  
自監司守令下至委吏抱關其間賢不肖常居半矣故大吏  
卽巨慝優容置之不問所為掇拾僅么磨之數耳中亦豈無  
質朴少文筮仕未諳者乎必預為提撕引救俟其不悛而後  
去之未晚也乃日惟伺察隱過而暗地中傷恐非罔則刻矣  
甚至假私意以作雌黃聽讒言而為好醜以至實心愛民者  
反懷讒畏譏而曾不一展逢迎貪酷者竟違道干譽而冒列  
清華機關叵測極矣弊四古之為吏者約已裕民誠心直道

所以昭儉德而示和衷晚近頹風日趨浮靡一交際也而取  
盈數千百金猶復元黃充滿一晏會也而動費中家之產更  
作水陸奇珍至於語言詢及閭閻則見以為迂闊僚友少規  
過失則疑以為排擠蓋繁縟日熾而實意浸微令人一入其  
中有混同而不敢為異諛佞而不敢忠告習尚如此人奈之  
何不窮且盜而人心魑魅將何底止耶弊五夫吏弊多端大  
弊有此五者若夫表正倡率著力挽回惟在廉能撫綏弊六  
倡率郡守長吏仰思朝廷付託之重俯察斯民艱苦之情美  
意相承流通貫徹如好尚直從簡質逢迎者必懲政事首先

爲民乖張者不錄弊竇果能痛洗貪婪者不容以辨賢否則嘉善而矜不能以處同官則省彌文而傾肺腑信能行此五者將風行草偃人人莫不向道回心矣苟其心不實其身不正而徒欲以法令繩下苛責於位卑祿薄之夫無惑乎文移申飭如山竟無裨於民瘼絲粟也噫古人有言本原之地在朝廷所望廟堂之上持廉秉正部司臺諫公論不私且又重素絲之風表清白之吏庶幾由內及外速於置郵而太平可弗替矣

自古吏治以六計四善二十七最爲良法然承平日久一

事偶弛其流弊遂不可旣極揆字太僕是以痛切言之敢爲先生進一解曰欲救弊首當作養人才朱子學校貢舉私議可法也

本朝布衣永北劉彬救時議

昔唐世多名臣語相業者房魏之後卽推姚宋論者猶以救時宰相目之嘻時可易救哉彼能救之所以爲賢也救時者或時當頽弊事已顯著不容不救者又或事雖未彰機已先露預爲挽救者均爲救時也若預救者有潛移默運之功不見其力而天下受其福非聖哲其孰能之次則審時度勢出

滇繫  
其才力奮不顧身爲天下起弊扶衰使社稷危而復安百姓  
困而復甦此英雄賢智之所爲也然而難言矣卽以滇省論  
之所宜救矣或曰滇何爲而需救也方今寰宇一統上下宴  
安雖有野彘之警當事者議勦議撫矣雖有連年之荒當事  
者議捐議賑矣此非救而更何救也曰子不見夫火中之薪  
乎埋薪於火中者不知其能然也及火動而薪然不可熄矣  
又不見蔴中之蓬乎樹蓬於蔴中者不知其易仆也及蔴去  
而蓬仆不可扶矣夫滇地最薄民最貧商無萬金之儲民鮮  
終年之積野賊陸梁於沿邊土司雜處於郡縣連歲不收饑

人載道吾見夫議勦議撫者矣今日一檄曰作何勦滅明日  
一檄曰作何招撫不知野賊之匿笑於其旁也今日一檄曰  
作速捐輸明日一檄曰作速賑濟不知饑民之坐斃於其側  
也匪特此也民窮而萑苻多警兵窮而庚癸長呼此而無以  
救之吾恐火中之薪蔴中之蓬無以異是漆室女之憂將與  
子共之矣曰然則將奈何曰是不難今日之事荒宜救也先  
救荒以濟饑人彘宜撫也次撫彘以安邊境兵宜恤也則恤  
兵以培武備吏宜察也則察吏以奠民生征宜緩也則緩征  
以養民財役宜減也則減役以甦民力救時急務大略不過

數端而實心力行惟一言以蔽之耳岳武穆曰不愛錢然吾  
又知其有所難矣

劉彬救荒議

周官大司農以荒政十二聚萬民則救荒之法即在隆盛之  
時皆所必備而况今日邊遠之地乎滇省地瘠民貧素無儲  
蓄一年之耕不足一年之食者十常六七年歲稍歉卽有化  
離况連年不熟斗米千錢甚至無米可糴故忍死待斃者比  
比皆是哀此窮民非吾民耶奈何令其忍死待斃不思所以  
救之耶今日者非不議捐也非不議賑也究之捐者何物賑

者何人而饑民愈多米價愈騰非捐與賑之過乃捐非實捐  
賑非實賑將欲濟民先恐有病於官既慮病官遂不遑顧於  
民之過也各處常平倉所蓄業已有年多者萬石少亦不下  
數千當此之時不聞有一粟一粒及於百姓吾不知設倉爲  
何捐輸捐納歲歲積貯者爲何也卽有給粥散米事非不善  
然止可施於附郭窮人豈能遍及於村野餓殍亦且惠出私  
家其力易竭但取應故事耳遂可以謂救荒之策盡於是乎  
爲計者宜速將常平倉現有米穀悉行發出此一項也素封  
厚積之家米麥雜糧情愿捐輸者地方官立賞格以勸之又

一項也其不願捐輸者地方官照市價以糴之又一項也或敢抗閉者有罰用此三項之米分選賢員各於所在城市窮人衆多者仍爲設粥以濟至偏遠市鎮之所日發此米減價以糴再不足則繼以正項倉糧所賣之價卽令地方官查收秋成買補所減之數據實報明可銷者申請開除不可銷者准於接年流抵復爲嚴禁刁販奸商不得遏抑囤截務令在在有米俾流離者每日隨處得以買糴延生居處者亦可騰那度命稍緩須臾之死則秋成可待全活必多如此則李悝之平糴耿壽昌之常平兼而行之上不病於官而下有濟於

民庶乎人心稍安饑餓者免於展轉遊惰者不致走險靖亂於未萌戢盜於未發今日急務孰甚於此然非得仁廉當事本汲長孺之果毅行以富鄭公之切實鮮有不爲貪婪官吏作嫁衣裳者也吁可歎哉

### 劉彬論兵

兵可百年不用不可一日不備不可一日不備卽不可一日不養不可一日不養卽不可一日不練然而養失其道其弊也貧練無其方其弊也驕不可不知也兵旣出於召募則殷實者不爲繩良者不爲措紳之家不爲詩禮之家不爲端人

正士不屑爲卽一介之夫略有知識稍知自重者皆不肯爲而爲之者非游手惡少則無籍流民或不能以自活或不爲人所齒于是夤緣請託竄身戎伍苟且自容大都此一途中此輩匪僻不法之人居其七八兵之爲兵概可知矣本以無賴一隸尺籍則衣食日用婚喪交際舉家之費無不仰此糧餉而身已在官無資本經營素昔遊惰又不能甘任勞苦食指少者猶可勉強支持若衆口嗷嗷而自身枵腹以應差操妻子懸釜而守室者比比然也况有貪污鎮將婪穢營官指稱名目按季扣除

謂奏費部費公費采買軍裝製造軍器等類也

此剋于上也再或

饑寒內逼人事外侵初焉告支告借繼焉倍償疊償此剋于下也及至給餉十之二三扣于官十之七八扣于頭目持空紙一片而回者又比比然也嗟乎腹削如此倘得差役稍寬猶可樵蘇自給無如更番之後餘差相續然猶有稍暇之日也至於下伍下差旣役于上復役于下無不可役之官方役于公又役于私無不應役之日有晝夜靡甯者良由虛冒多則實兵少實兵少則冗差愈多兵之中差兵最苦矣此兵當太平之日而困於貧者大略如此設遇戰伐紛紜其苦萬萬矣吁其苦可憫也其驕不可縱也此輩本非循謹良善之人



而入于暴戾恣睢之俗人方曰此兵也鄙而惡之賤而遠之  
彼乃詡然自矜曰我兵也視凡非兵者皆出我下我固可以  
陵之侮之居則傲慢鄰里出則陵轢齊民嘗見近日滇中之  
兵止知營弁之尊卽有司州縣佐雜官長率皆弁髦視之豈  
復有紳士在其目中猶未也糧餉雖爲兵之命然不思此何  
所自來彼何以坐官乃彼方踞爲固有之物散給稍不時卽  
瞋目以視或再不時則脫巾相噪陸梁猛厲之氣未効于有  
事之日先試於無事之時見敵人而勇敢不足對本官而猶  
悍有餘此兵當太平之日而失于驕者大略如此設遇干戈

擾攘其驕萬萬矣噫嘻兵也如此其苦又如此其驕曾不知  
所以顧恤之節制之一日有事爲將者露白刃以督之欲其  
爲我奮勇以往忘身以徇得乎然而無難也差非不可也私  
事不役役無偏枯則差有餘矣操亦不可廢教訓以時時無  
愆舛則操有度也兵不皆貧也擇貧者濟之兵不盡驕也察  
驕者創之嚴蠹目重利之鑄劍禁婪弁無已之役作寬以經  
營生理之餘力勿令有庚癸之呼教以忠義孝友之正道勿  
令有犯亂之事利可興爲之導其源而開其流弊當革爲之  
防其微而杜其漸才能出衆不惜躡等褒榮技勇超羣不吝

非常拔擢有功必賞有過必懲尅扣絕于上而各營孰不遵  
殘暴禁於下而衆弁無不戢嗚呼如是以治兵庶免于貧且  
驕之弊而後可得其死力矣

劉彬論吏

持衡秉憲貞度肅察有以激濁揚清使屬吏承風思勵望影  
知儆者大吏之事也操廉守介布澤流恩有以化行政治使  
小民戶登衽席人樂雍熙者長吏之事也民所司命者鈞軸  
之權雖操於大吏而呼吸相通尤切尤迫者惟長吏是賴長  
吏去民最近與民最親民有疾苦長吏知之民有呼籲長吏

聞之民所欲祛而不能祛者長吏代祛之民所欲致而不能  
致者長吏代致之凡民所欲達于上而不能即達與上所欲  
及於民而不能即及者惟長吏有以達之及之俾上恩下逮  
下情上通者以有長吏調暢於其閒也夫慈母之於赤子不  
待語言自然有以揣其情順其性撫之摩之噢咻之飽煖之  
使獲安於無事而後止蓋其心之迫且切也長吏之於民比  
于父母之稱亦惟其迫且切焉耳苟於民也亦如慈母之於  
赤子有以揣其情順其性撫之摩之噢咻之飽煖之使獲安  
於無事而後止此良有司所爲真無愧於民之父母也苟非

然者化離不恤敲扑是從置民瘼於罔聞而惟貨之黷時而興一利則利歸於官多一利百姓反多一事之累利雖興而民不受也時而釐一弊則弊仍在民少一弊長吏反少一事之羸弊雖釐而民不知也諸下情所欲達於上者至此而遏焉諸上恩所欲及於下者至此而止焉以有長吏扞格於其閒也然則長吏者上官之隄畔百姓之屏障耳所謂父母者如是哉然無可如何也州牧令長積弊相沿牢不可破郡守監司以上雖有糾劾之權澄汰之典而才力所能及者及之才力所不能及者委之而已矣廉察所能至者至之廉察所

不能至者置之而已矣其積弊亦不可破也豈不大可笑哉夫長吏者民所倚以爲父母而最迫最切者也得一牧則一州蒙其澤得一令則一邑被其恩朝發一令四境之內夕受其禍福矣暮出一語合屬之中且議其臧否矣故長吏之於民爲利最便爲害亦最便取效之捷若山鳴而谷應欲安民者惟在長吏得人民鮮有不安矣

劉彬論將

文武分途雖自李林甫啓其端而實科目有以限之何也古者士無專經非有策論詩賦經義制藝之類以相束其所學

者兵農禮樂政事文章各因其能而成就之才皆實才非浮華之才學皆實學非章句之學且古之士人無不能射未遇時卽具文武之略者有其人矣時而見用文也可武也可上世所以多全才選將卽在選士之中奚事於分哉自科目既設人惟科目是趨迨宋置武舉明設武科文士遂不復知有弓馬之事於是文者不武武者不文全才漸少矣文武分途李林甫始之也文武分而不可合科目障之也科目愈盛人才愈衰章句曰工士氣白弱自不能武因以武爲恥安於柔懦而不屑爲至手不能握弓畏馬如虎見武人曰兵也見武

弁曰兵頭也相與鄙遺之藐玩之嗟乎文而不武在吾儒業已抱憾卽不爲之可也從而鄙遺之藐玩之胡爲哉白馬之禍文臣獨當之亦有以取之也然未居將帥之任也使此輩而任以將帥戰國之趙括晉之殷浩謝萬宋之賈似道明之熊文燦楊嗣昌丁啓睿呂大器李建泰之流耳以是用將徒虛文而不能武之弊也則徒虛武而不能文之弊可勝言哉夫武非荷戈執殳之謂非擐旗斬將之謂非奮不顧身親冒矢石之謂此偏裨驍卒之事所以爲將者不在是也所以爲將者謂其有雄才大略可以運籌經緯寓大武於大文之中

也韓信力不勝雞而成興漢之功杜預射不穿札而樹平吳之績是真武是真將也然此乃古之所謂武非今之所謂武也文者既不武不得不拔之於行伍擢之於武科求所爲武者用之武科無論矣而行伍者率皆武夫悍卒其武也非有奮搃奪稍之能非有穿楊貫虱之技非有擒渠馘帥之勇非有講藝談兵之度而且時際昇平無衝鋒陷敵之危無枕戈臥劍之苦無長征轉戰之勞無拖腸裹創之痛無庸於投膠挾纊之恩無煩於椎牛醢酒之費但能挽兩石弓馬矢一步矢五一丁不識而肆口誇張曰我能殺賊我能治兵我能報

主武之能事畢矣於是薰灼其勢赫奕其威禍福在手操縱自如營伍可不實虛冒之風相沿也而所虛冒者則必實糧餉可不足尅減之例已定也而所尅減者則必足士卒之苦樂百姓之艱難可不問而幣帛錢穀之出入則必問封疆之利弊師旅之安危可不計而貨殖田園之盈縮則必計天下大勢付之茫茫天運中太平一日侈侈然安享一日曰君之靈也社稷之福也將之幸也及叩其平生有何抱負竭其才力有何智能一旦有事猶未至於大故尚能勉強支持僥倖成功者有之不至敗廉喪恥者有之倘利害當前生死所關

功名所繫若而人者平素既昧於忠孝之道爵高位重禮義之語亦所惡聞胸無定識外有所迫見利則遷焉而已遇害則避焉而已所謂君恩之重者安在哉所恃以舒半壁之憂寄長城之任者安在哉猶有不止此者文武殊途兵民異轍師旅封疆者武將之任四郊多壘非卿大夫之恥儒臣文吏有袖手旁觀耳及事不可爲有束手以待耳民之生死衆之存亡惟武將是賴而將之爲將乃如此天下事尚可言哉嗚呼忘身報國精忠不二在禮義名臣慷慨傑士猶不能必其臨大節而不可奪乃欲必之於武夫悍卒豈可得哉絳灌無

文隨陸不武劉淵何如人猶且笑之國家簡拔人才原備緩急之用而簡拔者止此輩耶封疆之重三軍之命所關非小物也而悉昇之此輩耶易曰長子帥師此輩果長子耶大都此輩中非無可用之材若取材止在此輩吾未見其盡得人也有人焉囊萬金於此使童子或婦人守之盜未至金無恙以爲童子婦人可恃以無虞忽焉盜至匪特失金並童子婦人去之用武夫悍卒爲將何以異此

本朝舉人昆明孫鵬滇中兵備要略

備兵以衛民也而未雨綢繆則在山川要害之處尤當急爲

之所焉滇古西南彝於唐爲南詔崇岡巖嶂激澗縈紆西北  
拒吐蕃東北際黔巫東南達交桂西南扼緬甸環境之彝十  
居其七時恬則蟻聚有事則獸奔人自爲區勢難統一王公  
設險於斯要矣豈可一日不備哉而備之之要莫若先防外  
彝諸關口滇有附滇而不爲滇有者西之緬甸東之交趾儼  
然稱國道處南壤而漢彝雜處之郡州縣外尚有不爲滇有  
而仍爲滇有者軍民宣慰使司六宣撫司四安撫司一長官  
司二十一編置於騰永景蒙之外至九千里之遙顧車里老  
過其東已與臨元接稍內又有孟良孟定二府孟連元鎰二

長官司皆在元江景東順甯境內其屬順甯者有三猛曰猛  
緬曰猛撒曰猛猛更與永昌相錯又有灣甸鎮康二土州極  
西則茶山里麻大抵諸彝環繞雖皆供賦以額爲滇藩籬然  
亦屈於威德不敢不臣究也據山立寨假箐爲巢稍有警動  
卽生異心所立關口不可不整肅以防之攷諸葛武鄉侯之  
南征也大軍由越巂李恢由平彝縣按道向益州部隋史萬  
歲平爨翫帥衆從越巂進經馬湖自蜻蛉川過弄棟次小勃  
弄大勃弄至於南中元征西南彝烏蠻白蠻鬼蠻諸國命太  
弟專征分三道進大將兀良合台帥西道兵由晏當路諸王

抄合也只烈帥東道兵由白蠻太弟由中道至滿陀城留輜  
重過大渡河行山谷二千餘里至金沙江晏當路從葱嶺卽  
今麗江府白蠻從四川今曲靖府中道從越巂永北府由此  
觀之則麗江曲靖永北三口皆昔日進兵之地尤爲緊要防  
之宜密而陳用賓以緬數入犯築八關於騰衝之邊曰萬仞  
曰神護曰巨石曰銅壁曰鐵壁曰虎踞曰天馬曰漢龍每四  
關故一守備戍之今尚嚴戍否進交趾古惟廣東廣西二道  
元明以來始自雲南入雲南道亦有三口當何以戍守乎抑  
更有說中甸爲麗江門戶去西藏萬里此亦不往彼亦不來

山川險阻聲息不通四百餘年無烽烟之患者正以險阻之  
路人莫能測後因逆藩將中甸割與吐蕃麗江遂失其門戶  
近小醜澤旺跳梁

聖祖仁皇帝神略廟算命秦師由巴蜀蕩其前滇師由中甸抵其後

蚩尤欃槍一鼓可獲然自凱旋以後中甸至西藏鳥道羊腸  
將成康莊之孔道我可以坦往彼可以坦來與三口更有不  
同者今中甸旣築城城中須鎮大將以制西藏其他臨元有  
鎮開化有鎮永順有鎮鶴麗有鎮昭通有鎮普洱有鎮鎖鑰  
長城之寄已塞羣醜覬覦之門而各協又備設於廣南廣西



元江騰越尋甸諸口之內則彈壓之下已立建瓴之勢第干  
戈久息關山之險阻多虞谿谷之防維漸緩所當申畫郊圻  
慎固封守從地之紀以峻藩簡人之良以制險而苞桑始鞏  
於磐石兵於此猶有不備者乎未也滇據金馬碧雞之勝南  
北雖隘東西最長三標坐鎮於內九鎮五協犄角於外官軍  
至五萬三千五百九十名之多所以暢天威整軍容者已足  
壯六詔旌旗壁壘之色有警則各土酋之兵皆可調用然吾  
聞唐府兵之制無事則執耒以耕有事則荷戈以戰猶存古  
寓兵於農之意宋有廂兵卽有鄉兵廂兵者諸郡之鎮兵也

鄉兵者士民團練之兵也如河東陝西有弓箭手麟州有義  
勇之類是也李德裕爲劍南西川節度建籌邊樓率戶三百  
取一人使習兵焉緩則治農急則荷戈時人謂之雄邊子弟  
伸威南詔滇至今有兵快之目有民壯之名有守城軍之制  
而事已廢弛請於正軍之外郡州縣之內鳩集鄉閭之勇者  
蠲其徭租給以弓刀令管轄佐貳官督帥於業農桑之暇時  
時團練嫻以伍兩卒旅之規以備有事驅用則民間旣無游  
閒流爲盜賊之人而國家亦得收精兵之用然則鄉兵也豈  
不與正軍相表裏哉且也兵之所恃在器而器之所用貴精

晁錯曰兵不堅利與空手同甲不堅密與祖褐同弩不能以  
及遠與短兵同又曰器械不利以其卒與敵也秦人銷兵鑄  
而武備盡弛滇產金銀銅鐵鉛以及硝黃之物所以爲軍器  
之用者無所不有不必取給於他省而軍器卒不備備亦不  
能精其故何也一則制具日久豈無缺壞未見遣官造補一  
則滇匠原拙所造不精古者軍器有監有庫有作院弓曰神  
臂曰牀子弩曰九牛曰八牛箭曰八陣曰滅指刀名斬馬鞍  
名邊樣甲名偏挨皆能精至近世一變而爲火器有鳥銃有  
西洋子母大砲銃更換點放極其便捷敵發一矢在三十步

之內我發一銃在二百步之外未及交戰先殲其大半矣及  
至近前我之弓矢劍刀又足以制之炮火一發轟地震天敵  
早盡於數里之外有未盡者冲冒前來而鎗刀弓弩毒箭之  
可恃復然邊方城野若畱心兵器火器修造備置一一如法  
雖敵兵數萬不足懼也請查滇省見儲軍器計軍分給而藏  
其餘者於官若干分給則各知愛護藏餘則應用不窮所給  
者或壞則計年告換所藏者或損則挨年漸修又於每歲軍  
局所造必揀選良工如昔人請甲人於安定弓人於河中弩  
人於浙西之類減其數而責其精有不堪用則罪其主者如

海軍  
是則軍器皆精而可用也軍器既備則戰陣之法不可不熟  
習於平日李白曰平沙淺草千里在目土不成邱水不成谷  
馬肥人輕往來電駭此非南軍之所長也山林險阨草木蒨  
鬱江流吞天巨浪時起行人疑惑飛鳥不能渡徒走相搏短  
兵相擊此非北軍之所長也夫然而論兵於滇與論兵於他  
省不同可知也滇高山險巖無百里之平川卽諸蠻夷之所  
恃者亦以山林川澤寄倚草伏木之威其外來者無論也卽  
此叛服無常之蠻萬一多故其何以應夫用兵之道雖不可  
執一而論然如山深道險馬不得並列人不得連肩恐敵人

伏兵險路或拓我前或衝我中或斷我後雖有哨兵探馬一  
時搜索不到敵出我不意或哨兵探馬誤闖入敵人伏兵之  
中爲其所陷不及報我我冒然而進與敵相遇一線之路彼  
以有備待我無備當此險要之區首尾難援百步之間前後  
莫救豈容不先爲之防惟用連珠倒捲之法如飛天蜈蚣之  
勢敵來攻我中則兩山出兵夾攻之彼攻在左之營則右營  
出馬爲援彼攻右營則左營出兵爲援彼退則我攝其後後  
營復如噴珠而出又相連布營更番迭戰敵勞我逸則敵人  
欲來前面攻我勢不能矣設斷我後則以退爲進後哨作前

哨倒捲而回敵亦難以邀截倘遇大江關隘之地我必先留  
兵把守切忌輕進使無歸路攷古證今谷戰行營斷無有過  
於此者滇之將軍其數講此而訓練之乎若夫常山蛇之勢  
八陣圖之制六花陣之號亦不可不知而滇之精此者何人  
也馬謖之語武侯曰南中恃其險遠今日破之明日復反用  
兵之道攻心爲上攻城爲下心戰爲上兵戰爲下願公服其  
心而已夫服蠻彝之心不能以不戰而服也請卽以武侯之  
南征爲戰守之程可也尉繚子曰使什伍如親戚卒伯如朋  
友止如堵牆動如風雨車不結轍士不旋踵此本戰之道也

必如是而兵始謂之備不然徒有其器械與規模何益之有  
以是而西問罪於緬甸東責貢於交趾威加七十二城諸甸  
八百媳婦諸國地司其險人扼其樞按雉堞規犬牙營烽燧  
制勝于朝廷威傳于絕域將集風雨勞臣之略而使海隅日  
出皆稟朔獻琛也兵豈可一日不備哉

本朝布衣倪颯復昆明令朱雨亭書

某瑣尾之士屏跡山村執事不以爲不肖儼然過存欲然下  
問且云厚民生首宜敦民俗蔚然君子之言但治邑如治病  
急則當治其標緩則當治其本夫今日之病在於委靡形質

法書  
無恙神氣索然醫國巨手宜當急下針砭故愚以爲此時當  
先定民志民志不定俛俛然失所趨向民生何由而厚民俗  
何由而淳哉夫民志之不定由於治政之未安昆明五塘之  
設當日原以便民浸淫濫觴困累已深奸胥猾里從而剝蝕  
遠僻夸裸苦益難勝上年革塘之後改爲值日名異實同徒  
爲更變大凡明屬陽而暗屬陰官司掩耳盜鈴百姓開眼服  
毒似不若將每年公事先約成數於開印時明白曉諭使人  
共知有糧若干升斗卽應納若干公費照數完納給票爲憑  
則頭役無能爲中飽之計夸裸不致有向隅之泣蓋均無貧

和無寡安無傾此定民志之一端也滇中訟獄鮮少昆明首  
邑稍繁歷以習成叢脞難免書役作奸任情起滅訛法受賕  
良懦之被禍無窮矣是故勤政卽是愛民興利宜先去弊准  
辭少審結速執法嚴三者具而黠吏埋頭孱黎吐氣民志之  
定亦其一也盜賊出沒無處無之而滇省較少於他方若謂  
絕無則未然也諺云失主報官餘財未盡是言也以盜賊但  
害於一時而拖累必延之歲月且或贖贖者反從事主推敲  
並致通村藤蔓以是畏官甚於畏盜相踵成風非惟本家不  
認鄉鄰悉與彌縫官固不得而知盜則因之無忌且上下各

海豐  
衙門快捕從而詐騙又復多端此養癰貽患縱盜殃民之甚者也苟不豫爲團結力刷弊端恐遇事終畏報官盜賊無由可弭又何能定民志於無虞無擾乎荒歉之年民貧無賴豫事而圖斯爲最計而滇中備荒之政全然不講民間旣鮮蓋藏公廩亦愆儲峙一旦時逢旱澇年失順成則拯饑濟餒之所需者何所從而遽來向來官倉糶賑在當時亦是塗飾耳目異日買補更益民艱宜踵古人備荒之策爲民生久遠之圖如朱晦翁社倉有法呂叔簡留餘有規合二美而調濟之擇一善而固守之使世無不足之天民有長康之慶民志定

而俗厚風純此亦必然之理矣粗舉四端神而明之以求必當是在君子之力行勿怠耳某見執事父母斯民之心薰然如春故敢進其蕪言以塞清問幸勿謂此老生常譚而付之無所短長也

昆明倪蛻復當事論廠務書

凡採取五金之處古俱曰冶場今音訛曰廠按周禮司徒職礦人掌金玉錫石之地而爲之厲禁以守之若以時取之則物其地圖而授之巡其禁令此古冶場之所自始而今礦廠之所由名然今天下之廠於雲南爲最多五金而外尚有白

銅硃砂水銀烏鉛底母硝磺等廠大小不止百餘處也今承  
垂問不暇縷陳請言銀廠歷考載籍雲南之廠肇自明時管  
理者爲鎮守太監其貼差小閹皆分行知廠今迤西南北衙  
廠尚其遺也初亦不立課額以漸增至三萬有餘逮嗣老山  
空礦脈全斷兇閹以此課款迫令攤於民田廠俱封閉以後  
或開或閉聽民爲之至康熙二十一年滇省蕩平廠遂旺盛  
嗜利之徒游手之輩具呈地方官查明無礙卽准開採由布  
政司給與印牌謂之廠官繫纓墊坐先馬執爿居然官矣於  
是擇日出示開爐試前每用礦砂不計多寡前罽之際廠官

課長硃領各私投塊銀於內以取厚汁之名因卽宰牛祀山  
申文報旺此名一傳挾賞與分者遠近紛來是爲米分廠客  
或獨一人或合數人認定峒口日需峒丁若干進採每日應  
用油米鹽菜若干按數供支得獲銀兩除上課外分作十分  
鑲頭峒領共得一分峒丁無定數共得三分廠客則得六分  
若遇大礦則廠客之獲利甚豐然亦有礦薄而僅足抵油米  
者亦有全無礦砂竟至家破人亡者此關乎時命亦不可必  
得之數也至上課之法則品定礦筋入爐煎罽成汁較定三  
拍以鐵爲之如戩盤而有柄上拍可兩許此爲解上官課中

拍可五錢是廠官養廉下拍可二錢係課長及諸役分支商民所開之廠大概如此至於踴獲大廠非常人之所能開者則院司道提鎮衙門差委親信人擁貲前去招集峒丁屏辭米分獨建其功並不旁貸雖獲萬兩亦於商民無與然有本有利諸無怨辭當其時廠未陞課又極興隆是絲絲入扣官民皆優裕有餘資矣及康熙四十七八年貝制軍始報課二萬七八千兩至今二十餘年陸續增至七萬兩先以年多缺額之故裁去廠官分屬府廳州縣管理以便參處嗣有存庫公銀一項年年撥出補額已數載於茲雲南銀廠始末頗盡

於此然雲南之廠雲南之害也廠今既多不耕而食者約有十萬餘人日糜穀二千餘石年銷八十餘萬石又係舟車不通之地小薄其收每憂饑殍金生粟死可勝浩歎故唐憲宗詔曰銅可資於鼓鑄銀無益於民生天下見採銀坑並宜禁斷蓋亦見及乎此已且近廠之地食物必貴盜賊必多雞犬不甯墾鹽告匱此則民之害也煎煉之爐烟萎黃菽豆洗礦之溪水削損田苗此又民之害也有礦之山概無草木開廠之處例伐鄰山此又民之害也藏亡納叛不問來踪大慝巨兇因之匿迹此又民之害也舍其本業走廠爲非剪絡賭錢



詐騙無忌此又民之害也流亡日集奸匪日滋劫殺勾連附  
彘索保此又民之害也至若郵遞廠文供億廠役種種難罄  
亦無一而非爲民害者是資於課者無多而害於民者實甚  
而謂百姓樂於地方有廠者豈其然乎今承清問謹將悉知  
之利害具陳惟鑒照而加之意焉

經費略

經常也費而日常則其非常者亦有矣滇之所入惟條丁  
銀二十萬九千有奇公件銀六萬有奇鹽課銀三十二萬  
有奇廠課銀十萬有奇稅課銀十萬有奇錢局餘息二萬

一千有奇秋糧二十萬石兵米所餘尚存米七萬餘石該  
折銀八萬四千有奇年約進銀八十七萬三千有奇出則  
文職廉俸祀典廩餼工食驛站堡夫該銀二十八萬有奇  
武職養廉兵餉該銀八十二萬兩有奇不足者部撥鄰省  
協濟歲二十萬或三十萬不等夫以十四府三廳四直隸  
州二十七散州三十九縣之地而所入不敷所出求其故  
蓋由于官冗且由于兵多然一郡所轄幾他省之半深山  
密箐猶慮鞭長莫及則官之不得不冗者勢也三面鄰邊  
而各州縣中往往漢夷錯處則兵之不得不多者亦勢也

滇繫  
而爲官者眷屬不能無幕友不能無隨從不能無或由永  
昌調昭通抑由麗江調開化遠者二千餘里近亦二千里  
夫馬之費極省亦須數百金其難一履任及三載必委運  
京銅收兌之苛灘河之險船腳之刁詐竊盜之窺伺至撤  
批回滇已若重生其難二而兵亦有二難焉所關月餉除  
扣尅外食物漸貴一身尚欠温飽違計室家卽少負才技  
者拔至千總守備三年送省六年送部往來盤費債累盈  
身嗚呼去此四難是在綜理者之善于撙節而孰爲調劑  
矣○此特其略耳若窮毫釐察抄撮一會計吏卽可畢之

否則有須知冊在又何俟予之饒舌哉戊辰巧夕師範手  
記于抱瓮軒

### 戶口述

周禮司民掌萬民之數歲暮書之版以獻于王王拜受之  
夫亦以民爲邦本匪容褻視也滇乃西南一隅幅員遼闊  
山川綿邈寄居者率多刀耕火耨之儔草衣木食之侶洪  
武初除梁段得戶五萬九千五百有奇口二十五萬九千  
二百有奇至萬曆六年戶共一十三萬五千五百有奇口  
一百四十七萬六千六百有奇較之開國時增至數倍蓋

海口  
按口納課寢失古意我朝順治間則計丁不過一十一萬七千五百有奇雍正九年編審共丁二十四萬四千八百有奇以視前明非真消耗也

列聖相承涵濡煦育而楊公名時奏于前蘇公霖渤奏于後遂停五年清查之例以丁銀歸入錢糧只于年終約略成數造冊報部竊念民數之消耗非殘于刀兵卽陷于水火否則僵于饑饉滇自百餘年來沐浴

帝澤無刀兵之傷無水火之害無饑饉之迫惟于乾隆四十四五年後普行時疫有疙搭瘟瓜瓢瘟大頭瘟等名疫至鼠必先死人見死鼠卽無人色中之者十無一起始于麗江鶴慶頓于賓川趙州鄧川蒙化之間餘二十年且遍及于迤東迤南吾村丁壯不下五千人今所遺千許人州境文武童之應試者原額八百餘今不及三百人以此類計所損折甯止數十萬惟冀滇之四民培補人心各安本業潛消災慝遠召嘉祥上以酬朝廷休養化導之恩下以謀草野耕鑿詠歌之樂不十年而蒼洱金碧之區又將捲袂成雲揮汗成雨矣○王子癸丑間予秉鐸劍川于東醫寶鑑中查獲一方牡礪蠶各等分大黃倍之時介休張公

大本守麗江捐貲製送始服十人中可愈六七次年愈四五三年則不復愈矣彌渡有回民疙痞起左臂以利刃割之而愈旋起脇下仍以刃割之又愈最後起于喉遂不可為矣劫運所關非偶然也惟修德積善或可少減耳○程文海碑載元世祖時雲南合漢夷共戶一百二十萬七千七百有奇若按實以稽之亦不至大相刺謬也是在司牧者惠懷而怙冒之耳

澂江府前帙漏載補錄于此

澂江府知府下 教授一員 訓導一員 司獄一員 河

陽縣知縣附郭 教諭一員 訓導一員 典史一員 江

川縣知縣 教諭一員 訓導一員 典史一員 新興

州知州 學正一員 訓導一員 吏目一員 路南州

知州 學正一員 訓導一員 吏目一員

五華書院山長志施編修歸王午典試山西即請養歸年三十四清操雅量寔為士子所矜式云

五華肇于勝國屢經兵火蕩為荒墟 本朝雍正間西林

望山兩相國前後制滇始為修復凡滇人士之略具雋才

者無不招而納之院中一則由督學政歲科試錄送一則

鄉試荐卷落卷拔取其情願自備膏火在院肄業者聽便

每秋榜中式率三十人少亦二十人雖各 大憲鼓舞振

作而山長訓課之功亦不可誣也前則孫潛村先生烏程人

熙癸巳會元名人龍後則張惕菴先生閩縣人乾隆乙丑庶常名甄陶皆能講求實

學迄今已七十餘年或四十餘年而其教澤所及即新進

後生無不仰之外此之至斯席者他省則有無錫浦進士

起龍長沙張郎中汝潤江西游進士方震安陸余司馬慶

長青浦吳太守大勳麻哈艾檢討茂光澤黃拔貢宗傑本

省則有趙州龔講學渤建水陳閣學世烈趙州蘇侍御霖

渤昆明施太史培應趙州谷太史際岐建水倪觀察高甲

鶴慶蔣太史鳴鹿蒙自尹閣學壯圖建水倪太守思純通

海董太史健夫山長之啓自宋然考古之大夫致政于君

以三物六行歸教其鄉之子弟是山長得人權固輕于職

官而其效則較職官為倍捷况其束脩之豐餼廩之

厚以吾所見如敬敷紫陽鍾山蓮花關中大梁皆不能及

立教者宜先品行次文藝略倣胡安定遺法就其質之高

下而漸摩之受教者務以沈潛篤實之功化其騫凌奔競

之習出則為 朝廷有用之人材處則為鄉里自好之善

士吾滇之風不亦蒸蒸而愈上哉他如望江檀進士萃武

陵胡司馬蔚之長育材萬載李進士榮陞太和楊孝廉履

寬蒙化劉比部玉湛之長中溪皆得牽連而志之

書院倚五華山麓其巔則萬壽宮莫焉稍左為武侯祠

山占城之中央東奔金馬西聳碧雞南列七學士後擁陸

嶺晨曦夕月烟波雲樹與浮圖樓堞互相掩映每登之縹

渺之思磊落之氣不覺引而愈長惟金陵之觀象臺武林

之八卦亭差堪彷彿而其去書院皆遠不若此之一蹴可

企也貢院北據青螺山左脊承華圃九龍池環繞于前自

騰蛟起鳳二坊至龍門石階約二百級高明爽塏亦他省

之所未有者吾滇人七忍自匿其筆精墨彩以孤此勝地

哉予另有五華書院叢說四卷他日當附刊之

